

LEHUTO LA BOBEDI



- Mantšiboa a mabotse, bagwera. A re emeng feela nakwana bakeng sa thapelo, ge le rata.
- ² Tate wa rena wa Magodimong, re kgobokane gape ka go kopano ye ya go hlomphega, bošegong bjo, ka go tirelo ya Morena. Gomme Wena o tshepišitše gore kae kapa kae re tla kopanago mmogo, bontši bja ba babedi goba ba bararo ba rena, gore O tla ba magareng ga rena. Gomme re ka netefaletšwa gore O mo, ka gore re kgobokane Leineng la Gagwe.
- ³ Bjale re a rapela, Tate, gore—gore O tla tla bošegong bjo gomme o tla kgaola Lehuto le la Bobedi bakeng sa rena. Gomme bjalo ka ge mo—mo moreti a boletše, o tla rata go lebelela go feta seširo sa nako. Gomme yeo ke tlhologelo ya rena, Morena, e no ba go—go no lebelela go feta le go bona se se robetšego pele. Gomme re a rapela gore Kwana ye e bolailwego, e tla tla magareng ga rena bjale le go kgaola Lehuto, le—le go Le utolla go rena, dilo tše re di hlokago go di bona.
- ⁴ Go na le ba bangwe mo, Morena, ba ba sego ba be ba tsena ka go kopanelo ye kgolo ye go dikologa Kriste. Re a rapela gore, bošegong bjo, gore ba tla dira sephetho sela sa Gosafelego, ba tlatšwe ka Moya wa Modimo.
- ⁵ Ge go ka ba le balwetši ba itšego, Tate, re rapela gore O tla ba fodiša. Go na le disakatuku tše dintši di letše fa tseo ke swerego diatla tša ka godimo ga tšona, segopotšong sa—sa Beibele, sa Mokgethwa Paulo, moo ba tšerego go tloga mmeleng wa gagwe disakatuku le dithethwana. Meoya ya ditšhila e tlogetše batho, gomme ba be ba fodile.
- ⁶ Re bona go Tla kgauswi ga Morena. Re a tseba gore nako e batamela kgauswi. Dilo tše di boetše gape go Kereke, ka morago ga mengwaga ye makgolo a lesomesenyane.
- ⁷ Bjale re a rapela, Tate, gore O tla fa dilo tše re di kgopelago. Tiiša mohlanka wa Gago, gomme o thuše bahlanka ba Gago mogohle, Morena, gomme ka go ikgetha rena ba re kgobokanego mo bošegong bjo, gore re kgone go amogela Lentšu. Re kgopela ka Leina la Jesu. Amene.
- ⁸ Ka kgonthe go botse go ba morago ka ntlong ya Morena gape bošegong bjo. Gomme ke a tseba ba bantši ba lena le eme, ke—ke maswabi ka seo, eupša go no se be le e ka ba eng gape re ka kgonago go e dira. Re—re ne ke—ke kereke feela ge . . . e oketšegile go moo re ka bago le makgolotharo goba nne, makgolotharo goba makgolonne gape ka gare. Eupša ka go dikopano tša go ikgetha ka tsela ye, e—e rwala lešaba le lennyane la boima.

⁹ Bjale, oo, ke no ba le nako ya go makatša, ke rapela, le go ithuta Mahuto a—a. Ke a holofela lena bohle le gona, le lena. [Phuthego e re, “Amene.”—Mor.] Ke—ke na le nnete le gona. Gomme ge Le e ra bontši kudu go lena bjalo ka ge Le le go nna, ka kgonthe ke . . . le na le nako ya go makatša. Gomme ke na le . . .

¹⁰ Ke nyaka go bitša mogwera wa ka wa mosetsana, ka morago ga tirelo. Gomme le ke letšatši la gagwe la matswalo. O bogolo bja mengwaga ye lesomepedi lehonon, Sarah, morwedi wa ka. Gomme sa go latela, gona, letšatši ka morago ga gosasa, ke tla swanela go dira pitšo ye nngwe, gobane ke letšatši la matswalo la Becky.

¹¹ Gomme bjale, bošegong bjo, re ithuta Lehuto le la Bobedi. Gomme bakeng sa Mahuto a mane a pele go ne banamedi ba bane ba pere. Gomme ke a le botša, lehonon se sengwe se diregile gape. Gomme, ke—ke, se sengwe seo ke . . . Ke a ya le go tšea lengwalo la kgale leo ke bilego le lona, leo ke boletšego ka lona, kgale kudu, le go no dula fase fale. Gomme ke naganne, “Gabotse, ke—ke dirile bokaonekaone bjo ke bego ke kgona.” Gomme bangwadi ba bantši le dilo, gomme ke naganne, “Gabotse, ke tla bala nakwana ye nnyane, le go lebelela godimo le go bona *se* le *sela*.” Gomme selo sa pele le a tseba, se sengwe se no direga, gomme se fapana ka go felela. Se no tla ka go fapana. Ka gona ka tlimarela phensele thwi ka pela, gomme ka thoma go ngwala fase feela ka lebelo ka fao ke kgonago, ge A sa le fao.

¹² Oo, e nno ba se sengwe se diregile feela e ka ba seripa sa iri sa go feta. Ke be ke botša Ngwanešu Wood, go tla tlase, feela metsotso e se mekae ya go feta. Feela se sengwe, le a tseba. Le a tseba, go na le dilo tše dintši di diregago, o no se kgone go bolela ka tšona, le a tseba. Eupša feela se sengwe se nno direga seo se nngo go nthuša kudu.

¹³ Ke na le mogwera mo felotsoko ka moagong. Go le bjalo, bohle le bagwera ba ka. Yo—yo ngwanešu ke Ngwanešu Lee Vayle. Ke ngwanešu yo bohlokwa, le moithuti wa kgonthe wa Lengwalo. Ngk. Vayle ke Mobaptist ka Moya wo Mokgethwa. Gomme yena ke . . . Ga ke bolele se go reta, ke no bolela se gobane ke a se dumela. Ke nagana ke yo mongwe wa baithuti ba bakaonekaone ba tsebo bao ke ba tsebago, mo magareng ga rena. Gomme o nno nngwalela noute ye nnyane mo, gomme o e rometše ka kua ka Billy. Gomme Billy o be a sa kgone le go e fihliša, go nna. Gomme ke a nagana . . . Ga se ka e bala, eupša ke be ke no ya go bolela se a se boletšego mo. Gomme ke sa tšwa go e bala, Ngwanešu Vayle, ge o le mo. Ke sa tšwa go bala ye e ka ba dikgwedi tše tshela tša go feta.

¹⁴ “Ga ke phosithifi,” o boletše. “Ngwanešu Bill, ga ke phosithifi, eupša ke a dumela gore Polycarp e be e le moithuti wa Mokgethwa Johane.” Yeo ke nepagalo. O be a le. “Ke nagana Irenaeus o be a le moithuti wa—wa Polycarp.” Yeo ke

nepagalo, tlwa. “Irenaeus o rile, ‘Jesu o tla bowa—o tla bowa ge moleloko wa mafelelo yo a hlaotšwego wa Mmele wa Kriste a etla ka gare.’”

15 Yoo e be e le Irenaeus, e ka ba mengwaga ye makgolonne ka . . . morago ga lehu la Kriste. O rile, “Ge lebaka le la mafelelo le etla ka gare . . .” Bjale, yeo e ka go—go Pre-Nicaea Council. Lena baisa fa, bao le balago le—le . . . go ithuta Lengwalo, le go ithuta . . . ke ra, go ithuta histori ya Beibele, le hwetša seo ka go pre- . . . ka go Pre-Nicaea Council. Gomme ke nagana gore ke puku ya pele goba puku ya bobedi, le—le tla e hwetša. Gomme bjale, o e bone, mengwaga ya go feta, gore o rile, “Mo mafelelong, wa mafelelo—wa mafelelo mokgethiwa, mokgethiwa yola.”

16 Batho ba nagana gore kgetho ke se sengwe seo se sa tšwago go ba—seo e sa tšwago go ba se sengwe se phaphašitšwe godimo mo moragonyana. Nna! Yeo ke ye nngwe ya dithuto tša kgalekgale re nago le tšona: kgetho le pitšo. Gomme kafao Irenaeus, ka kgonthe, baithuti ba kgonthe ba Lengwalo, ka mehla ba dumetše go kgetho.

17 Gomme kafao Irenaeus o be a le yo mongwe wa ba—ba barongwa ba lebaka la kereke, bjalo ka ge re bone, ge re ithutile. Re a dumela. Nnete, bjale, tšohle e be e le diphiri. Tšohle di mo, thwi, di utilwe thwi mo ka go Mahuto a, le a bona. Gomme di swanetše go utollwa ka letšatšing la mafelelo. Ka fao ba thomilego ka Paulo, le—le Irenaeus, le Martin, le go ya pele, go theoga, gomme ba tlile go theoga go lebaka la mafelelo.

18 Gomme, bjale, re a tshepa bjale gore Morena o tla re šegofatša ka matsapa a rena bošegong bjo. Bjale re bile . . . Lehuto la Pele, ka nnete ke ipshinne ka leo. Lehuto la Pele, ditšhegofatšo tše di ilego le Lona, go nna!

19 Gomme bjale ga—ga ke nyake go le swarelela botelele kudu. Eupša, le a bona, ke—ke tla be ke eya bjale feela gape, mo mašegong a se makae, gomme morago ga ge se se fedile. Gomme re swanetše go no tlaišega lebakana le lennyane. Gomme ke a leboga . . .

20 Ke bona Ngwanešu Junior Jackson a eme kua. Ke . . . Gomme ke naganne ke bone Ngwanešu Ruddell, dinakwa di se kae tša go feta, fa felotsoko. Gomme bona baena, bao ke dikereke kgaetšedi tša rena tše di tšwilego, le tše dingwe. Ka nnete re a e leboga. Gomme ke bona Ngwanešu Hooper, ke a dumela, a eme go bapa le leboti fale, go tšwa Utica, kereke fale. Gomme ka kgonthe re leboga tirišanommogo ya lena yohle e kaone ka go se.

21 Bjale, bošegong bja go feta, bjalo ka ge ka mehla re rata, go ruteng ka—ka Mahuto, re e ruta ka tsela ya go swana le dirago go—go—go mabaka a kereke. Gomme ge re feditše ka go ruta lebaka la kereke, nako ya mafelelo ge ke di thadile ntle mo godimo ga—godimo ga phuluphithi, godimo ga letlapa, ke ba bakae ba elelwago se se diregilego? O tlile thwi fase, a

ya thwi morago godimo ga leboto, ka Seetšeng, gomme a se thala, ka Boyena, thwi fao godimo ga leboto, pele ga rena bohle. Morongwa wa Morena o eme thwi fa pele ga batho ba makgolo a mmalwa.

²² Gomme bjale O—O dira se sengwe sa ka godimo ga tlhago ka kgonthe bjale, le gona, gomme kafao re no ba re letile dilo tše kgolo. Ga re tsebe. . . Le rata go no letela tetelo yela—yela ye kgolo, go no se tsebe se se yago go direga go latela, le a tseba, go no—go no leta. Bjale, Modimo ke yo mogolo gakaakang go rena, le go makatša gakaakang! Re a Mo leboga!

²³ Bjale, temana ya 1 le ya 2, ke tla E bala, go mokgwa wa go fa bokamorago bjo bonnyane. Gomme ka gona re tla tšea temana ya 3 le ya 4, bakeng sa Lehuto la Bobedi. Gomme morago temana ya 5 le ya 6 ke Lehuto la Boraro. Gomme ya 7 le ya 8 ke. . . Ditemana tše pedi go monamedi yo mongwe le yo mongwe wa pere. Gomme bjale ke nyaka le šetše ka fao baisa ba. . . Godimo ga pere ye tshihla ye, mohlomongwe. . . Še e a tla, e no tšwelapele e fetoga ge e theoga.

²⁴ Gomme ka gona le legolo lela, Lehuto la mafelelo go bulwa, ge Modimo a rata, Lamorena la go latela bošego! Gore, ge e direga, go be go no ba, selo se nnoši se diregilego, “go be go le setu Legodimong lebaka la seripa sa iri.” Modimo re thuše.

²⁵ Bjale ke tla bala temana ya 3 bjale.

Gomme ge a butše lehuto la bobedi, ke kwele sebata sa bobedi se re, Tlaa gomme o bone.

Gomme fao go tšwele pere ye nngwe. . . (temana ya 4). . . yeo e bego e le ye khubedu: gomme maatla a fiwa yena yoo a dutšego go yona go tloša khutšo lefaseng, . . . gore ba bolayane seng. . . ba swanetše go bolayana seng: gomme o filwe tšhoša ye kgolo.

²⁶ Bjale, selo sa sephiri bjale, ge se—se Sebata se boditše Johane, “E no tla gomme o bone.” Gomme ga se a bona se e bego e le sona. O nno bona seka. Gomme seka sela, lebaka le se. . . O rile, “E tla, o bone,” eupša o bone seka, gore o be a swanetše go se swantšha go kereke, ka tsela ye ba bego ba tla hlokomela; go fihla e etla go lebaka la mafelelo, gomme ka gona Lehuto le tla bulwa.

²⁷ Bjale, yo mongwe le yo mongwe o kwešiša seo bjale, le a bona, Mahuto a tla bulwa. Gomme a ga la thaba go be le phela ka letšatšing le? Seo, le a bona, e sego feela seo, bagwera, eupša ka mehla elelwang bjale, Lamorena la go feta mosong, moo selo ka moka se bego se theilwe go, bonolo! Le a bona? Bonolo, go kokobela, go direga ka tsela ye e lego gore batho ba no ya thwi pele go feta gomme ebile ga ba tsebe E a direga.

²⁸ Gomme, elelwang, re lebeletše go Tla ga Morena, nako e ka ba efe. Gomme ge re. . . ke dirile setatamente, gore mohlomongwe Tlhatlogo e tla ba ka tsela ya go swana. E tla be e ile, godimo,

gomme ga go yo a tla tsebago selo ka yona. E tla no tla ka mokgwa woo. Le a bona? Gomme ka mehla . . . E no ya morago go kgabola Beibele gomme o lebelele ka fao e diregago ka mokgwa woo. Le a bona?

²⁹ Ebile le selo se segolo bjalo ka ge Morena Jesu a etla, ga go yo a tsebilego selo ka yona. Ba naganne, “Mokerenke wola, yo mongwe.” Dikereke di rile, “Feela lehlanya. Re . . . O a gafa ka kgonthe.” O rile, “Yena ke monna wa segafa.” “Re a tseba o a gafa.” *Bogafa* go ra “go gafa.” “Re a tseba o na le diabololo, gomme o a go gafiša. Gomme o leka go re ruta? Mola, o tswetšwe ntle kua, ka ntle ga molao. Re . . . O tswetšwe ka bofefe. Leka go ruta banna boka rena, baprista, le go ya pele, tempele?” Gabotse, nna, seo e be e le lehlapa go bona.

³⁰ Ge Johane a tlile, a boletšwe, go theoga go kgabola mabaka, go tloga go Jesaya go ya go Maleaki. Ao ke makgolo a lesomepedi . . . goba mengwaga ye makgološupa le lesomepedi, o be a bonwe ke baprofeta, a etla. Yo mongwe le yo mongwe o be a mo lebeletše go tla, a e letetše nako efe kapa efe. Eupša ka tsela ye a tlilego, o rerile le go dira tirelo ya gagwe, le go ya pele ka Letagong.

³¹ Gomme ebile le baapostola ga se ba e tseba, ka gore ba Mmotšišitše. Ba rile, “Bjale, ge—ge Morwa wa motho a eya Jerusalema, dilo tšohle tše, go neelwa,” ba rile, “gobaneng Lengwalo le bolela gore ‘Eliase o ya go tla pele?’”

³² Jesu o rile, “O šetše a tlile, gomme ga se le e tsebe. Gomme o dirile feela tlwa se Lengwalo le rilego o tla se dira. Gomme ba dirile go yena feela se se boletšwego.” Le a bona? Gomme ga se ba kgone go e kwešiša. O rile, “E be e le Johane.”

Gomme, ka gona, “Oo!” Le a bona, ba—ba phafogile, go yona. Ba . . .

³³ Gomme ge, ebile, mafelelong, morago ga dilo tšohle A—A di dirilego, le maswao ao A ba laeditšego, gomme ebile o ba biditše. O rile, “Ke mang wa lena a ka Nkahlolago ka sebe, gosedumele? Ge Ke se ka dira feela se Lengwalo le rilego ofisi ya Ka e tla se dira ge Ke etla lefaseng, gona Mpontšheng moo Ke dirilego sebe. Le a bona? Gona Ke tla—Ke tla le bontšha se the swanetšego go ba, gomme a re boneng ge eba le a e dumela, goba aowa.” Le a bona? O be a tla tla morago thwi gomme a re, “Le be o swanetše go dumela go Nna ge Ke etla.” Ga se ba e dira, le a bona, kafao ba tsebile bokaone go feta go tlemagana ka go Yena, go seo. Eupša O rile, “Ke mang wa lena a ka Mpeago molato wa gosedumele? Le a bona? A ga se Ke dire feela se e bilego sona?”

³⁴ Gomme le baapostola, ba eya mmogo, ba thetšitšwe. Re tseba ka fao Mangwalo a yago. Ka gona mafelelong, la mafelelo, ba rile, “Bjale re a dumela. Re a dumela gore ga go motho yo a swanetšego go Go botša, ka gore O tseba dilo ka moka.”

³⁵ Bjale, ke be nka no rata go bona sefahlego sa Gagwe. O swanetše go be a ba lebeletše, a re, “Gabotse, a bjale le a dumela? Mafelelong e le hlapogetše.” Gabotse, e be e se ya swanela go ba, mohlomongwe, go fihla nako yeo, le a bona. Gomme Modimo o šoma se sengwe le se sengwe feela gabotse, le a tseba. Ke—ke Mo ratela seo.

³⁶ Eupša bjale re nagana ka lebaka la rena bjale. Gobane, ke ya bolela ka seo, re ka se tsene ka go Mahuto a, le gannyane.

³⁷ Gomme bjale, elelwang, ke hwetša dikgopelo tše dintši bakeng sa thapelo bakeng sa balwetši. Gomme ke rapelela . . . nako yohle, bakeng sa kgopelo ye nngwe le ye nngwe ke e hwetšago, le bakeng sa disakatuku le dilo. Gomme ge re ka kgona go dira Mahuto a a fele, go fihla Lehuto la mafelelo, Lamorena mosong re . . . Ge e le thato ya Morena, re tla rata go no ba le tirelo ye botse ya fešene ya kgale ya phodišo mo, le a tseba, moo o no go tšea moso ka moka bakeng sa go rapelela balwetši. Gomme ke—ke na le nnete gabotse e tla ba kopano ya go se tlwaelege ya phodišo. Le a bona? Ke no ba le maikutlo boka ao, le a bona. Gomme ka fao, e sego sa go se tlwaelege, eupša e ka no ba e sego ya tlwaelega gannyane go ba bangwe, le a bona, se ke se rago.

³⁸ Bjale, mogau wa Modimo ke wo mogolo gakaakang, go utolla diphiri tša Gagwe go rena ka go letšatši le! Bjale, bohle re tla dumela gore re phela mo letšatšing la mafelelo. Re dumela seo. Gomme elelwang, diphiri di be di swanetše go utollwa ka letšatšing la mafelelo. Gomme O utolla Lentšu la Gagwe bjang, diphiri tša Gagwe? Beibele e boletše. A le ka rata go bala mo A e bolelago? A re nong go phetla godimo le go bona ka fao A utollago diphiri tša Gagwe.

³⁹ Bjale ke nyaka le bale Amose. Phetlang godimo go Puku ya Amose, gomme ke nyaka le bale ka go tema ya 3 ya Amose, gomme temana ya 7. Go lokile. Ke tla bala temana ya 6, le nna.

A phalafala . . . e ka gala ka toropongkgolo, gomme batho ba se boife? na go tla ba le bobo ka go toropokgolo, gomme MORENA a se a bo dira?

Ka nnete Morena . . . a ka se dire selo, eupša o utolla diphiri tša gagwe go bapofeta bahlanka ba gagwe.

⁴⁰ Bjale, ka matšatšing a mafelelo, re . . . Go boleletšwepele go rena gore go tla tsoga mo—mo mopofeta.

⁴¹ Bjale, re a tseba gore re bile le mehuta yohle. Bjale, ke a lemoga, ka morago ga go lebelela go dikologa bošegong bjo, ke—ke bolela fa moo baithuti ba dutšego, gomme ke—ke tla rata le nkwešiše. Gomme le a lemoga, ditheipi tše di aparela lefase, le a bona, feela e ka ba lefase lohle. Gomme ka tla rata le se, ka mokgwa e ka ba ofe, go nagana gore ke leka go rothetša mohuta tsoko wa tu—tu tumelothoko ya dikobo tša Eliya goba diaparo. Le dilo tšohle—tšohle tšela, re bile le boati bja tšona. Eupša, le a

tseba, dilo tšeo tšohle di no ba pulamadibogo a selo sa kgonthe seo se tlogo, go lahla batho.

42 A le be le tseba re bile le ba maaka—baetapele ba maaka ba tsogetše godimo, bomesia ba maaka, pele Kriste a etla? A go se, a go be go se . . . Morutiši wa letsatši leo, morutiši yola yo maatla, Gamaliele, ge po—po potšišo e etla godimo ka go itia banna ba, le go ya pele, o rile, “Ba tlogeleng ba nnoši. Ge e le ya Modimo, gobaneng, le tla hwetša le elwa kgahlanong le Modimo. Eupša ge e se ya Modimo . . .” O rile, “A monna ga se a tsogela godimo, e sego telele go fetile, gomme a tšea makgolonne go ya ka lešokeng, le go ya pele? Re na le dilo tšeo.” E be e le eng? Tšohle di be di bula madibogo a Selo sa kgonthe ge Se etla.

43 Bjale, le a bona, Sathane o tsoša bao. Šetšang mahlanjana a moisa yo re bolelago ka yena mo, Sathane, moo re mo tatollago thwi mo; go no mo hlobola, ka Mangwalo, le go le dira le bone ke yena mang. Seo ke se . . . se se swanetšego go dirwa.

44 Gomme, le a elelwa, ga se a leke go ya ka gare le go ba lekomonisi, Sathane ga se a dira. Ke molwalekriste. “Go batamelana kudu, go fihla,” Jesu o rile, “o tla fora le bona Bakgethiwa . . .” Gomme bao ke Bona bao ba utilwego tlase ka go Mahuto a, bao maina a bona a lego godimo ga Puku ge e sa le motheong wa lefase.

45 Ke moisa wa mahlanjana. Gomme ge a bona selo se se etla, se etla godimo, gona o fošetša se sengwe le se sengwe a kgonago ntle fale, go se nyamiša pele se fihla kua. A le be le tseba gore go tla ba bokriste ba maaka ba tsoga ka matsatšing a mafelelo? E swanetše go latela ka pela ka morago ga wo, ka morago ga Molaetša wo mogolo wo woo ngwanešu yo a tla o bolelago, yoo ka kgonthe a tla tlogo, go tlotša ka moya wa Eliya, ka potlako.

46 Gomme ba tla mo phoša. Ba bangwe ba bona ba tla nagana ke yena Mesia. Eupša ka maatla o tla re, “Aowa.” Ka gobane, go swanetše go tsena boka Johane.

47 Ka nako ya Johane Mokolobetši, ge a tllile ntle kua go rera, ba rile go yena, “A ga se wena Mesia? A ga se wena Yena?”

48 O rile, “Ga se nna. Ga ke na maswanedi go tlemolla dieta tša Gagwe. Eupša ke—ke le kolobetša ka meetse, eupša O tla kolobetša ka Moya wo Mokgethwa.” Gomme Johane o be a ne nnete kudu gore O be a le lefaseng, o rile, “O magareng ga lena, felotsoko, bjale.”

49 Eupša o be a sa Mo tsebe go fihla a bone leswao lela le etla fase godimo ga Gagwe. Ka gona, ge a bone Seetša sela se etla fase le go phatlalela ntle bjalo ka leeba, le go gotetša godimo ga Gagwe, o rile, “Yena šole. Yoo ke Yena.” Eupša Johane o bile yena a nnoši a Se bonego, le a tseba. Johane o bile yena a nnoši a kwelego Segalontšu. Bohle ka moka ga bona fale, ga go yo a Se kwelego.

50 Eupša ka gona ge wa kgonthe, mohlanka wa therešo a etla pele; ka kekišo yohle go yona, ke go nyamiša monagano wa batho. Sathane o dira seo. Gomme bao ba sa kgonego go hlatha go loka go tšwa go phošo, ba no thenkgolelwa mošola. Eupša Bakgethiwa ba ka se e dire; Beibele e rile a ka se kgone go fora Bakgethiwa. Gomme bjale, feela pele ga go Tla ga Kriste, Beibele e rile, “Go tla ba bokriste ba maaka ba tsoga, gomme ba tla tleleima go ba Kriste, gomme ba tla re, ‘Bonang, batho ba re O ka leganateng.’ Le se e dumele. ‘Bonang, O ka kamoreng ya sephiri.’ Le se e dumele.”

51 “Ka gore bjalo ka ge letšatši le phadima go tloga bohlabela go ya bodikela, go tla ba bjalo ka go Tla ga Morwa wa motho.” Le a bona? Ee, O tla—O tla—O tla bonagala, gomme e tla ba selo sa tšekelele. Gomme bjale seo se tla, bjale, ka nnete, ge ba hwetša gore se sengwe se diregile, le a bona, gona ba tla . . . Bjale, elelwang, seo se tla direga ka pela ka morago ga go ya Gae ga Kereke, ka morago ga Tlhatlogo.

52 Bjale go tla ba le dikekišo tša maaka, nako yohle, gomme ga re re re nyaka go kgokagana ka go e ka ba eng boka seo. Aowa, mohlomphegi.

53 Gomme ke a dumela, ge motho a etla, yena yo yoo a akanyeditšwegopele go tla, Ke e bontšha feela ka Mangwalo, gore monna o tla swanela go ba moprofeta. Ka kgonthe o tla dira. Gomme kutollo ya Modimo, gobane Modimo . . . Lentšu la Morena le tla go baprofeta ba Gagwe. Yeo ke nnete tlwa. Yeo ke . . . Gomme Modimo a ka se kgone go fetoga, le a bona. Ge A be a na le tshepedišo ye kaonekaone, A ka be a—A ka be a e šomišitše. Eupša O—O na le . . . O kgethile tshepedišo ye kaonekaone mo mathomong.

54 Go no swana le, A ka be a kgethile letšatši go rera Ebangedi. A ka be a kgethile ngwedi. A ka be a kgonne go kgetha phe—phe phefo. Eupša O kgethile motho. Gomme Yena ga se a ke a kgetha dihlopha. Batho ka batho! Le a bona?

55 Gomme ga se nke baprofeta ba babedi ba bagolo mo lefaseng ka nako ya go swana. Le a bona, motho yo mongwe le yo mongwe o a fapana, o na le modirelo wa go fapana. Ge Modimo a ka kgona go hwetša motho yo motee, seo ke sohle A swanetšego go ba le sona, thwi ka seatleng sa Gagwe, A ka kgona go dira se A nyakago go se dira. O swanetše go no ba le yo motee. Ka matšatšing a Noage; matšatši a Eliya; matšatši a Moshe.

56 Ba bantši ba tsogile, ka nako ya Moshe. Le tseba ka fao ba dirilego, gomme ba nyakile go re, “Gabotse, ga se wena yo mokgethwa a nnoši ka go sehlopha,” le—le Dathane le—le Kora.

57 Gomme Modimo o rile, “Nno ikaroganya wenamong. Ke tla no bula lefase le go ba metša.” Le a bona? Gomme—gomme kafa . . .

58 Gomme ka gona batho ba ya go belaela. O rile, “Ke tla no—Ke tla no tloša selo ka moka.”

59 Gomme fao Moshe o tšere lefelo la Kriste, nako yeo, go itahlela yenamong ka go boemagare, le go re, “O se ke wa e dira, Morena.” Le a bona? Gomme, nnete, o . . . Morago ga ge A beetše Moshe go dira se, Ga se a tla godimo ga Moshe, ka gore o be a dira bjalo ka Kriste ka nako yeo. E be e le Kriste ka go Moshe. Ka go felela.

60 Bjale, re thabile kudu lehono gore Modimo o ikutolla Yenamong go rena. Gomme ke a dumela Letšatši le legolo le sa tšwa go thoma go hlaba, go roba. Dietša di thoma go pekenya. Dinonyana tša paradeisi di thoma go opela ka pelong ya baggethwa. Ba a tseba gore ga se botelele bjale. Se sengwe se ya go direga, se swanetše. Kafao ge “Yena ga a dire e ka ba eng. . .”

61 Bjale, Lengwalo lohle le šušumeditšwe. Mangwalo a swanetše go ba Therešo ka go felela. Ga go tsela go le dikologa. Fao ke mo ke fapanago le bagwera ba rena, kereke ya Katoliki. Ke a dumela gore E be e se ya ngwalwa feela ke motho. Ke a dumela E sepedišwe ke Moya wo Mokgethwa. Gomme dilo tšohle tše dinnyane tše tšeo di okeditšwego, go leka go oketša go Yona; a le lemogile, go rarolleng, go bile le lengwe le le lengwe le thakgoletšwe ntle.

62 Gomme a a kgonthe, Mangwalo a therešo a a tswalagana, letee le le lengwe, go fihla fao—fao ga go kganetšano ka go bona, ga go felo le gatee. Mpontšheng seripa se tee sa sengwalwa seo se kgonago—seo se kgonago go ngwala temana, le gannyane, ntle le go ikganetša ka bosona, goba go ngwala—go ngwala temana, goba tše pedi. Gomme Beibele ga e ikganetše Yonamong, e ka ba kae. Ke kwele baswaswalatši ba kgale ba bolela seo, eupša ke bile le moneelo go yena lebaka le letelele, go ntaetša mo e lego. Ga e gona ka fa. E no ba ka gobane monagano wa motho o hlakahlakane. Modimo ga se a hlakahlakana. O tseba se A se dirago. O a tseba.

63 Lebelelang, ge Modimo a eya go ahlola lefase ka kereke, bjalo ka ge kereke ya Katoliki e re ke yona, go lokile, gona kereke ke efe yeo? E no lebelela dikereke tše re nago natšo. Re na le makgolo a senyane le metšo, mokgatlo wa go fapana wa dikereke. Bjale ka fao . . . Yo motee o ruta ka tsela *ye*, gomme yo motee ka tsela *yela*. A tlhakahlakano, gona, mang kapa mang o no dira eng kapa eng ba nyakago go e dira, o ya pele go le bjalo. Modimo o swanetše go ba le seelo tsoko, gomme seo ke Lentšu la Gagwe.

64 Go bolela . . . E sego go lahla go Katoliki, bjale, gobane pro—pro Protestant e no ba ye mpe. Eupša go bolelang le moprista, o rile, “Mna. Branham,” o rile, “Modimo o ka kerekeng ya Gagwe.”

65 Ke rile, “Mohlomphegi, Modimo o ka go Lentšu la Gagwe. Gomme Yena ke Lentšu.” Ee, mohlomphegi.

O rile, “Gabotse, O ka go . . . Kereke ga e palelwe.”

⁶⁶ Ke rile, “Yena ga a bolele seo. Eupša O rile Lentšu ga le palelwe.”

⁶⁷ O rile, “Gabotse, re be re tlwaetše go ruta kolobetšo yela ka tsela yela, le go ya pele.”

Ke rile, “Neng?”

O rile, “Morago ka matšatšing a pele.”

Ke rile, “A o dumelela yela go ba kereke ya Katoliki?”

O rile, “Ee.”

⁶⁸ Ke rile, “Gona, ke nna Mokatoliki, Mokatoliki wa fešene ya kgale. Ke dumela tsela ya fešene ya kgale. Lena mathaka lehono le ne Lona le hlakahlakane gohle, gomme ga go e ka ba eng ka Lengwalong le e rutago. Poelanyo le basadi le batho ba ba hwilego, le dilo tšohle tše dingwe tše, gomme, oo, nna, go ja nama, gomme, oo, ga ke tsebe tšohle, le a bona.” Ke rile, “Le nkhwetšeng seo ka Lengwalong.”

⁶⁹ O rile, “Ga ya swanela go ba fao. Ge feela kereke e bolela bjalo, yeo ke yona. Ga go dire phapano ye e itšego se Leo le se bolelago, ke kereke.”

⁷⁰ Ke rile, “Beibele e boletše, gore, ‘Mang kapa mang a ka oketšago lentšu le tee go Yona, goba go tloša le Tee, karolo ya gagwe e tla tšewa go tšwa Pukung ya Bophelo.’ Kafao, ke Lentšu! Ke dumela Lentšu.”

⁷¹ Bjale, gomme, gona, ge Amose a bolela, le Mangwalo a mangwe go ya le yona, gore ge . . .

⁷² Gomme le a elelwa, go se, re no be re ratha dintlhakgolo tša Lona. Feela, nna, ge . . . Ge ke tsena ka kamoreng yela fale, gomme—gomme Tlotšo yela e etla ka gare, ge nka kgona go ngwala fase se A . . . se sohle se diregago, ke tla ba mo lebaka la dikgwedi tše tharo ka le tee la Mahuto. Feela go go ratha mafelo le go Le tliša ntle, feela se se tla bonalago go ba seo se ka se kgamego batho. Eupša, go le bjalo, e sego go lekanela go ba gobatša, eupša feela bjalo gore, go dumela, go tla—go tla noka selo. Le tseba se ke se rago.

⁷³ Bjale, šetšang se bjale, ge “Modimo ga a dire selo,” go boletše Amose, “go fihla pele A se utolla go bahlanka ba Gagwe baprofeta.” Gomme, ka gona, re bona se A se dirago. E swanetše go ba gore O lokišetša go dira se sengwe, se A se utollago bjale. Modimo o lokišetša go sepelela go lefelotiragalo, ka kahlolong, ke a dumela. O lokišetša go dira se sengwe. Gomme selo se tee gape, se paka ka nnete, re ka matšatšing a mafelelo. Re bofelong bja lebaka, Lebaka la Kereke ya Laodikia bjale, ka gore dilo tše di be di swanetše go utollwa feela ka letšatšing la mafelelo.

74 Bjale, e no nagana ka seo bjale. A re nong—re nong lekang go nwelela ka go se re dumelago gore Moya wo Mokgethwa o tla re dira re tseba.

75 Bjale elelwang, “Ga go selo go utollwa; Modimo a ka se dire selo, le gannyane, go fihla pele A se utolla go bahlanka ba Gagwe, baprofeta.” Gomme pele A dira e ka ba eng, O a e utolla. Gomme ge A e utolla, le ka kgona go elelwa se, se sengwe se tseleng ya sona. Le a bona, se a utollwa.

76 Gomme dilo tše re bofelago ka tšona di be di swanetše go utollwa ka letšatšing la mafelelo, feela pele ga Phalafala ya mafelelo, mo bofelong bja Molaetša wa lebaka la mafelelo la kereke. Yeo ke nnete. Ge le nyaka go bala seo bjale, le ka kgona go retologela go . . . Lena, ke no šupetša go lena, bošegong bja go feta, makga a mararo, Kutollo 10:1-7, le a bona. “Gomme ka matsatšing a go letšwa ga Molaetša wa morongwa wa bošupa, sephiri sa Modimo se tla utollwa le go fela.” Gomme go ne selo se tee feela se šetšego. Ge Puku ye ya mahuto a šupago e butšwe, gona sephiri ka moka sa Modimo . . .

77 Gobaneng, re E tsitsinketše, go kgabola mengwaga. Gomme go ya ka Lengwalo, gona, re . . . Go be go se tsela ya go Le kwešiša go fihla letšatši le, ka gore Le be le utilwe. Re bone seka, se Le swantšhitšwego ka sona, eupša Le ka se kgone go utollwa ka go nepagala go fihla letšatši la mafelelo. Le a bona? Bjale, gona, re swanetše go ba fao, ka go—ka go nako ya bofelo.

78 Bjale, elelwang. Le se ke . . . Gomme le se lebale bjale, gore, “Yena ga a dire selo go fihla A se utolla.” Gomme le se lebale, gape, gore O e dira ka tsela ye bonolo bjalo, gore, “Ba bohlale le ba tlhaologanyo ba a e foša.” Bjale, ge le nyaka go maraka seo, yeo ke Mateo 11:25-26. Gomme, elelwang, “Yena ga a dire selo go fihla A se utolla.” Gomme O e utolla ka tsela ye e lego gore ba bohlale, batho ba go rutega ba e foša. Elelwang, e be e le bohlale bjo lefase le bego le bo kganyoga go na le Lentšu, ge sebe sa pele se dirile se se se dirilego. Le se lebale seo bjale. Oo, re swanetše go leboga bjang, go nagana seo!

79 Bjale e nong go lebelela dilo tše di diregago! Lebelelang dilo tše A re boditšego! Lebelelang fa ka go tabarenekele ye, lena batho bao re godišitšwego fa le bona. Bjale ke ya go kgopela ditheipi . . . Gabotse, eyang pele, e gatišeng. Eupša, lebelelang, ke no ya go bolela se go batho ba tabarenekele, lena ba le bego le le mo. Ke laela yo mongwe le yo mongwe wa lena, Leineng la Morena Jesu, go tsoge wa bea monwana wa gago go selo se tee, go dilo tše makgolokgolo tše di boletšwego pele di direga, gomme le re ga se nke tša direga. Mpotšeng nako e tee, gore mo sefaleng, ntle kua, kae kapa kae go bilego, gore O kile a bolela e ka ba eng se se bego se se sa phethagala feela tlwa ka tsela yeo. Bjang? A monagano wa motho o ka kgona go ba ka tsela yeo? Ka kgontha aowa.

80 Ge A bonagetše tlase kua nokeng, mengwaga ye masometharo tharo ya go feta June ye e tlogo, ka sebopego sa Seetša! Lena batala le elelwa gore ke le boditše, ge e sa le ke le mošemane yo monnyane, Segalontšu sela le Seetša sela. Gomme batho ba naganne, feela mohuta wa nthatana gannyane go thaoga hlogo. Nnete, ka kgonagalo ke be ke tla nagana selo sa go swana, yo mongwe a se boletše. Eupša bjale ga wa swanela go makala ka Sona bjale. Gomme Kereke ga se ya ke ya makala ge e sa le go tloga ka 1933, tlase nokeng letšatši lela, mo ke bego ke kolobetša makgolo a batho!

81 Ke elelwa mošemane yola wa Marra a mpoeditšego, o rile, “O ya tlase go thintšha batho bale, Billy?” Jim Marra yo monnyane tlase fa, ke nagana o hwile bjale. Ke nagana o bolailwe ntle kua; mosadi tsoko o mo thuntše. Eupša o—o mpošišitše, “O ya tlase go thintšha batho bale?”

82 Ke rile, “Aowa, mohlomphegi. Ke ya go ba kolobetša Leineng la Morena wa rena Jesu.”

83 Gomme go be go le mosadi a eya mmogo ka go sehlopha. O rile go mosadi yo mongwe, o rile. . . o dirile tshwayo, se sengwe ka yona. O rile, “Gabotse, nka se tshwenyege go thintšhwa.” O rile, “Seo se lokile. Ga ke kgathale.”

84 Ke rile, “Eya morago gomme o sokologe. Ga se o swanele go kolobetšwa Leineng la Jesu Kriste.” Le a bona?

85 Ye ga se selo go bapala ka sona. Ke Ebangedi ya Kriste, e utollotšwe ka thomo, Lentšu. Feela, bjale, ge o re, “Ditšiebadimo le bošilo,” o ka be o e beile felotsoko gape. Eupša, elelwang, e tshepišitšwe ka go Lentšu gore se se tla direga, gomme feela tlwa se se tla bago. Gomme še yona.

86 Ka gona, tlase kua letšatši lela, ge ba be ba eme nokeng! Gomme Morongwa wa Morena, yo ke le boditšego gore go be go lebega boka na—na naledi goba se sengwe bokgole, gomme Se tlile kgauswi, gomme ke le boditše ka fao Seetša se setalaserolwana se bogegilego. Gomme sese Se a tla, thwi tlase nokeng moo ke bego ke kolobetša.

87 Ge, borakgwebo tlase fa ka toropongkgolo, ba rile, “Seo se be se era eng?”

88 Ke rile, “Seo e be e se sa ka. Seo e be e le sa lena. Ke a dumela. Le a bona? Seo e bile bakeng sa lena, gore Modimo o dirile seo, go le dira le tsebe gore ke le botša Therešo.” Ka go ba segotlane, mošemane, go swana le, gomme e ka ba mengwaga ye masomepedi tee ka bogolo, ba—ba be ba sa dumele seo, le a bona, gobane ke bontši kudu go segotlane. Gomme ka gona ke be ke nagana. . .

89 Ngwanešu Roberson mo, yo mongwe wa bahlokomelaphahlo ba rena, ke mmone mo metsotso e se mekae ya go feta. O be a mpošša letšatši le lengwe ka go beng ka Houston ge seswantšho se

be se tšewa, seo le se bonago. Gomme ke be . . . Ka ngangišanonng yeo, ke ile ka thoma go bolela se sengwe ka sona, bošego bjo bongwe. Ngwanešu Roy o be a le feela . . . le monna yo motee gape, e be e le motho a nnoši ka go sehlopha yo a bego a na le segatiši. E be e le ye tee ya tšona digatiši tša mathale a fešene ya kgale. Ke bona Ngwanešu Roberson bjale, le mosadimogatša wa gagwe. Kafao, gomme—gomme se, Mdi. Roberson o be a babja.

⁹⁰ Ngwanešu Roy e be e le letšwalaphaga. Gomme maoto a gagwe a thuthupišitšwe, gomme ba mmeile ka ntle bakeng sa mohu. O be a le moofisiri ka go—ka go Sešole. Gomme 88 ya Jeremane e iteile tanka ye a bego a na le yona, gomme e nno bolaya monna, gomme ya mo rathaganya diripana. Ba mmeile ka ntle, go hwa, nako ye telele. Gomme ba rile a ka se tsoe a sepela, gobane bobedi bja maoto a be a ripilwe, megalatšhika ka go ona, le dilo. Nna, o kgona go nyaka go ntšhia go sepeleng.

⁹¹ Eupša e be e le eng? Go be go le se sengwe se a se bonego, gomme o ile Houston. Gomme o be a mpotša ka mosadimogatša wa gagwe. Gomme o na le—o na le lethale; o ya go le lokiša godimo ga theipi. Gomme ka morago ga ge ditirelo di fedile mo, gabotse, o ya go le ralokela lena bohle, ke a holofela. Gomme godimo ga theipi ya kgale ya mathale kua, o na le ditirelo tša ka di swerwe ka Houston. Gomme ka gona mosadimogatša wa gagwe, o rile, o na le yona godimo kua, gomme ga se a ke a e lemoga go fihla letšatši le lengwe.

⁹² O be a le, oo, o be a nyamile kudu. O be a babja, gomme o be a nyaka go tsena ka mothalong wa thapelo. Ga se nke ba ke ba ntseba, gomme ga se nke ka ke ka ba bona bophelong bja ka. Kafao o be a dutše mo le—le lefastereng letšatši leo, a lebeletše ntle, gomme a le maswabi kudu, le a tseba, le go nyama, gomme a duma a ka kgona go hwetša karata ya thapelo, go tsena ka mothalong.

⁹³ Gomme, go diragetše go ba, bošegong bjoo o tsene ka mothalong, goba bošego ka morago, goba se sengwe. Ke a dumela, bošegong bja go swana. Gomme o tsene ka mothalong. Gomme ge a fihla godimo sefaleng, Moya wo Mokgethwa o mmoditše, o rile, “Bjale, ga o tšwe mo. O tšwa toropongkgolo ye e bitšwago New Albany.” Gomme o rile, “O be o dutše mo lefastereng lehono, o lebeletše ntle, gomme gohle o tshwenyegile ka go hwetša karata ya thapelo.” Šele yona, godimo ga theipi, mengwaga ya go feta.

⁹⁴ Gomme ka gona mathomong a kopano, ge Moya wo Mokgethwa o be o le fao . . . Yeo e be e le mathomo a kopano. Re be re na le feela e ka ba batho ba dikete tše tharo, morago re ile go dikete tše seswai, ka gona go e ka ba dikete tše masometharo. Kafao gona ka go . . . Ge ke be ke sa bolela go . . . Ye nngwe ya tšona dikopano tša mathomo, ke rile, “Ga ke tsebe gobaneng ke bolela se.” Bjale, e godimo ga theipi. “Eupša, ke, rena re . . . Ye e

ya go ba ye nngwe ya dintlhakgolo tša nako ya ka. Se sengwe se ya go direga lebakeng la kopano ye, seo se yago go ba se segologolo go feta e ka ba mang a se bonego golebjalo.”

⁹⁵ Gomme e be e ka ba seswai goba senyane, mašego a lesome ka morago ga fao, ge Morongwa wa Morena a bonagetše pele ga e ka ba batho ba dikete tše masometharo, gomme a theoga, gomme seswantšho sa tšewa. Sesela Sona, gonabjale, se se dirilwego tokelo ya ngwalollo ka Washington, DC, bjalo ka Sephedi sa ka godimo ga tlhago se nnoši seo se kilego sa tšewa senepe lefaseng.

⁹⁶ Ka gona ke boletše ka, le a tseba, go bolela gore nako ye nngwe, ka tlase ga tlhatho, ke re, “Motho o apešitšwe ke morithi go iša lehung. Go na le khupahete ye ntsho, ya morithi. Ba lokišetša go hwa.”

⁹⁷ Gomme ka gona godimo mo ka Bohlabela bja Pines, goba Pines tša Borwa, ke a dumela ke yona, feela ge ke be ke le kua ka kopanong ya mafelelo. Mohumagadi yo monnyane a dutšego fale, gomme Sengwe se mmoditše, “Tšea seswantšho sela, thwi ka pela,” ge ke be ke bolela le mohumagadi. Gomme se be se le fale. Ke a nagana se tla ba potong ya phatlalatšo; se bile, lebaka le leteletšana. Fale go na le kupahete yela ya leswiswi e lekeletše thwi godimo ga mohumagadi.

⁹⁸ O tšere seswantšho se sengwe, ka pejana ge Moya wo Mokgethwa o e tsebišitše. E be e ile. O rile, “O ya go fola. Morena o go fodišitše. Kankere e ile.” Gomme e be e le fao. Gomme o fodišitšwe. Le a bona? Ke lena bao. Le a bona?

⁹⁹ Go no ya go laetša gore Modimo o tseba se e lego nako ya letšatši le e lego. Ga re dire. Re no swanela go Mo obamela.

¹⁰⁰ Bjale re ka no tšwelapele go bolela, eupša a re yeng tlase fa bjale, feela motsotso, le go kgwatha Lehuto le la morago, gore re kgone go tsenya le tee le ka go Lona. Bjale, feela tshkasekopele, bakeng sa tše mmalwa din- . . . dinakwana di se kae, le—le lengwe, Lehuto la Pele.

¹⁰¹ Re a hlokomela, ka go kgaolweng ga Lehuto la Pele, Sathane o na le wa—wa godimodimo, monna wa bodumedim. A le lemogile monamedi yola wa pere ye tšhweu? Yeo, bona, go be go naganwa go ba gore yeo e be e le. . . Kereke ya pele e eya pele; eupša, oo, nna, seo se rutilwe go kgabola mengwaga, eupša e ka se kgone go ba. Le no šetša ge ka moka ga bona, ge re ba tliša bohle ba tlemilwe mmogo, gona lebelelang moo e lego, le a bona. Bjale, gomme ga ke tsebe se ka moka ga bona ba yago go ba sona, go le bjalo. Eupša ke a tseba e swanetše go tla feela ka go phethagala ka kua, ka gore ke Therešo. Ke Therešo. Yeo e be e le tlhatlamano ya kereke ya Roma, tlwa.

¹⁰² Batho ba ba naganago gore Bajuda ke molwalekriste, ka kgonthe ba milione wa dimaele go tloga mothalong. Le se tsoge la nagana Bajuda ke molwalekriste. Mahlo a bona a be a

foufaditšwe, ka morero, gore re be le tsela go tsena, go re fa nako ya tshokologo.

¹⁰³ Eupša molwalekriste ke Montle. Ka nnete. Ke moekiši wa Therešo; *molwa*, “kgahlanong.” Bjale, monna yo mogolo yo wa godimodimo, oo, ka fao a bilego monna yo mogolo, gomme—gomme mafelelong a bewa teroneng. Gomme ka gona, ka morago ga go bewa bogosi, o be a rwešitšwe mphaphahlogo. Gomme bjale, yena, ka morago ga fao, o be a rapelwa bakeng sa Modimo.

¹⁰⁴ Bjale, lebelelang, pele seo se ka tsoge sa tla. Ke nyaka go le botšiša se sengwe. E be e le mang yoo? E be e le eng Seo go Paulo, ka go Bathesalonika ba Bobedi 2:3, seo se rilego motho yoo o tla tla? Gobaneng monna yola a lebeletše tlase go kgabola lebaka le go e bona? O be a le moprofeta wa Modimo. Ka kgonthe. Gobaneng go bile. . .

¹⁰⁵ O rile, “Moya o bolela ka go hlagiša, gore mo dinakong tša moragorago gore ba tla tlogela tumelo, gomme ba tla fa šedi go foraforetša. . .” Le tseba se go *foraforetša* go lego. Moya wa go foraforetša ka kerekeng, woo ke baruti. “Go foraforetša, moya wa baruti, go šomeng ga bodiabolo; maikaketši ka kerekeng.”

¹⁰⁶ “Hlogothata, monagano wa godimo,” bohlale, le a bona, ditswerere, bohlale; “ba na le sebopego sa bomodimo.” (Ba no ya, ba re, “Gabotse, re Bakriste; re swanetše go ya kerekeng.”) “Ba na le sebopego sa bomodimo, eupša ba gana dikutollo, Maatla le mediro ya Moya; go ba ba bjalo ba furalele.” Le a bona? Bjale hlokomelang, o rile, “Ka gore wo ke mohuta wo o tla tlogago ntlong go ya ntlong, gomme o tla hlhla basadi ba ditlaela. . .” Seo ga se re basadi ba Moya wo Mokgethwa. “Basadi ba ditlaela bao ba hlhlwago ke dikganyogo tša mehutahuta.”

¹⁰⁷ Dikganyogo tša mehutahuta! Ba no rata go tsena ka gare ga selo se sengwe le se sengwe se sennyane seo ba ka kgonago go tsena ka go sona, le ka moka mehuta ya disosaiti; le go phela ka tsela e ka ba efe ba nyakago, gomme, go le bjalo, “Re ya kerekeng. Re no ba ba go loka bjalo ka e ka ba mang.” Ditansi, diphathi, ba ripa moriri wa bona, ba penta, ba apara eng kapa eng ba nyakago go; go le bjalo, “Re—re Mapentecostal. Re—re no ba ba go loka bjalo ka e ka ba mang.” Oo! Mediro ya gago mong e a go tsebagatša. Therešo. Hlokomelang.

¹⁰⁸ Eupša o rile, “Banna ba menagano ye methata, mabapi le Therešo.” Therešo ke eng? Lentšu, e lego Kriste. “Mabapi le Therešo.”

¹⁰⁹ “Oo, o dira. . . Wena, o mootledi wa mosadi. Wena o sehloya-mosadi. O dira *se, sela*.”

¹¹⁰ Aowa, mohlomphegi. Seo ga se sa loka. Bjojo ke bo—bo boaketši. Ga ke hloye basadi. Aowa, mohlomphegi. Ke dikgaetšedi tša ka, ge e le dikgaetšedi. Eupša selo se ke. . .

111 Lerato le a phošolla. Ge le sa phošolle, ga se lerato. Ge eba ke lona, gona, ge eba ke lerato, ke—ke lerato la phileo gomme e sego agapao, ke tla le botša seo. Ba ka no ba le lerato le lennyane la phileo go mohumagadi tsoko wa go lebega bobotse. Eupša lerato la agapao ke selo sa go fapana, leo ke lerato le le otlollago selo, le go kopana le Modimo mošola felotsoko re ka phela Gosafelego. Le a bona? Ke be ke sa re seo, mohlomongwe, ka tsela ye e kwagetšego, eupša ke. . . Le tseba se ke—ke. . . ke a holofela le a kwešiša. Go lokile.

112 Bjale, eupša, elelwang, o rile, “Bjalo ka ge Jannes le Jamboro ba emelane le Moshe, ba tla dira bjalo. Eupša bošilo bja bona ka pela bo ile bja dirwa go bonagala.”

113 Gobaneng? Ge Moshe a romilwe go dira se sengwe seo se bonagetšego bogwaragwa, eupša, o ile tlase kua feela ka go botege ka mo a bego a kgona go ba. Gomme Modimo o mmoditše go tšea le, lepara le, le go le lahlela fase, gomme le tla fetogela sephente. Ka gona, O e dirile, go mo laetša se se bego se tla direga. Gomme pele ga Farao, o eme ntle kua feela bjalo ka ge Modimo a mo romile, gomme a lahlela lepara la gagwe fase, gomme la fetoga sephente.

114 Gomme ga go pelaelo, Farao o rile, “Boradia bja go tšhipa bja malaleatlane!” Kafao o a ya gomme o tšea Jannese le Jamboro ba gagwe. O rile, “Re ka kgona go dira dilo tšeo, le rena.” Gomme o lahletše lepara fase, gomme a ba disephente.

Bjale Moshe o be a ka kgona go dira eng?

115 E be e le eng? E be e le taetšo gore, selo se sengwe le se sengwe sa mmapale sa Modimo, diabolo o na le moekiši wa sona. Ba ekiša, go lahla batho go tloga mohlaleng.

116 Moshe o dirile eng, a re, “Gabotse, ke a thanka ke dirile phošo. Bokaone ke boele morago”? O be a nno šišimala, ka gore o be a phethagaditše thomo ya gagwe, go ya letereng.

117 Ka gona, selo sa pele le a tseba, sephente ya Moshe e jele ye nngwe. Le a bona? A le kile la nagana go direga eng ka sephente ye nngwe? O ile kae? Moshe o topile lepara gomme a ya pele ntle le lona. O šomile mehlolo ka lona. Gomme sephente yela e be e le ka gare ga lepara le lengwe le. Le a bona? Seo se a makatša. A ga se yona? Ee, mohlomphegi.

118 Bjale, molwalekriste o tla ka go seetša, ka go iketla. Ke nyaka le hlokomele se. Bjale, ge le ekwa. . .

119 Bjale, go bagwera ba ka ba Katoliki, e no dulang tuu motsotso feela, gomme bjale; gomme ka gona re ya go bona moo Maprotestant; moo bohle re lego, le a bona.

120 Elang hloko, kereke ya mathomo, ge kereke ya Katoliki e bolela gore ba be ba le ya mathomo, kereke ya setlogo, ba nepile tlwa. Ba be ba le. Ba thomile ka Pentecost. Moo ke mo kereke ya Katoliki e thomilego. Bjale, ga se nke ka dumela seo, go fihla

ke bala histori, gomme ke hweditše gore ke nnete. Ba thomile ka Pentecost. Eupša ba thomile go hlehlela, gomme le bona moo ba lego.

¹²¹ Gomme ge Pentecost e hlehla ka lebelo le e hlehlago bjale, ba ka se swanele go ya mengwaga ye dikete tše pedi. Mo mengwageng ye lekgolo go tloga bjale, ba tla ba kgolekgole go feta kereke ya Katoliki e lego. Yeo ke nnete.

¹²² Eupša hlokomelang, ka fao, monamedi yo wa pere ye tšhweu. Bjale re no e fa bokamorago, gannyane, go fihla re betha Lehuto le. Bjale hlokomelang monamedi wa pere ye tšhweu, ge a ile ntle, o—o hlankela magato a mararo. Diabolo, bjalo ka ge ke netefaditše go lena bošegong bjo bongwe, o ka go thrinithi, feela boka Modimo. Eupša ke diabolo wa go swana nako yohle, ka go magato a mararo. Hlokomelang magato a gagwe. Ka go legato la pele, o tla ka gare. . .

¹²³ Moya wo Mokgethwa o wele, gomme batho ba bile le se sengwe le se sengwe go swana. Gomme Moya wa Modimo o be o le godimo ga bona. Gomme baapostola ba ile go tloga ntlong go ya ntlong, ba ngwatha borotho le batho. Gomme go bile le maswao a magolo le matete a dirwa.

¹²⁴ Gomme—gomme ka gona, selo sa pele le a tseba, Sathane o thomile go hlola go popoduma go tla godimo.

¹²⁵ Ka gona, ka morago ga lebakana, makgoba a le badiidi ba naga, ba ba amogetšego Moya wo Mokgethwa, ba ile ka mafelong a go fapana, ba paka. Ba paketše beng ba bona.

¹²⁶ Gomme ka morago ga lebakana, fao gwa thoma go tla, oo, go swana le balaodi ba sešole le—le batho ba go fapana. Batsebalegi ba thoma go bona bogale, le mehlolo le maswao ao banna ba ba a dirilego, kafao ba amogetše Bokriste.

¹²⁷ Gabotse, gona, le a bona, ge a gokarile Bokriste, le go ya tlase fale go lefelo moo ba kopanago, ka go ye nnyane ya kgale ya leswiswi, holo ya go hlagala; gomme ba phaphatha diatla tša bona, le go goelega, le go bolela ka maleme, le go hwetša melaetša. Gobaneng, a ka se tsoge a kgonne go tšea seo go mophenkgišani wa gagwe—wa gagwe, goba e ka ba eng e lego, ka go kgwebo ya gagwe. “A ka se tsoge a Le dumela, ka mokgwa woo.” Ka kgonthe a ka se ke. Kafao, o swanetše go Le apeša godimo. Kafao ba thoma go tla mmogo, le go thoma go nagana, “Bjale re tla bopa se sengwe go fapana gannyane.”

¹²⁸ Gomme Jesu, thwi ka pela, ka go lebaka la mathomo la kereke, O ba boditše. Ka go tema ya 2 ya Kutollo fa, “Ke ne sengwe kgahlanong le lena, ka gobane mediro ye ya Banikolaite.”

¹²⁹ *Nikao*, “go fenya” maloko. Ka mantšu a mangwe, ba nyaka go dira, sebakeng sa yo mongwe le yo mongwe go ba batee, ba nyaka go dira moisa tsoko yo mokgethwa. Ba nyakile go dira mohuta

tsoko wa . . . Ba nyakile go e phethena ka bohetheni, go tloga moo ba tšwetšego ntle, gomme mafelelong ba e dirile.

¹³⁰ Bjale šetšang. Sa pele, “Banikolaite.” *Banikolaite* ba be ba bitšwa, ka Beibeleng, “molwalekriste,” ka gobane e be e le kgahlanong le Thuto ya setlogo ya Kriste le baapostola.

¹³¹ Ga ke nyake go bitša leina la monna yo. Ke monna yo mogolo. Eupša ke be ke le kopanong ya gagwe, mo mengwaga e se mekae ya go feta. Gomme o tsebile ke be ke le fao, gobane ke šikintše seatla sa gagwe. Gomme o rile, “Oo, le a tseba, re na le se se bjalo lehono seo ba se bitšago Mapentecostal.” Gomme o rile, “Bona, ba itshema godimo ga Puku ya Ditiro.” Gomme o rile, “Le a bona, Ditiro di be di le feela mošomo wa manamelo bakeng sa Kereke.”

¹³² A o ka eleletša, monna yo a ithutilego Beibele, mokgalabje yo bogale, gomme ba ithutile Beibele ka tsela ye moisa yola a dirilego, gomme morago ba tla dira tshwayo boka yeo? E galagetše, ga e . . . Ebile ga—ga e kwagale boka Moya wo Mokgethwa. Gabotse, ga ya swanela go ba, e ka ba kae.

¹³³ Gobane, mang kapa mang ka kwešišo ya go tlwaelega o tla tseba gore Ditiro tša Baapostola ga se ditiro tša baapostola. E be e le ditiro tša Moya wo Mokgethwa ka go baapostola. A ga le tsebe ka fao re e phethennego ka go mabaka a kereke? Tšona Dibata di dutše fale, di šeditše Areka yela fale. Mateo, Mareka, Luka, le Johane, ba eme fao, ba bogetše Seo. Gomme ka Fale go se se diregilego, bjalo ka dipelo tša go ngwala Mateo, Mareka, Luka, le Johane.

¹³⁴ Seo ke se mohlare o se beilego pele . . . lekala la wona la pele, gomme seo ke se se diregilego. Gomme ge mohlare wola o ka tsoge wa hloga lekala le lengwe, ba tla ngwala Puku ye nngwe ya Ditiro ka morago ga lona. Ka gore, le a bona, Bophelo bjo bo swanago bo swanetše go ba ka go selo se se swanago.

¹³⁵ Kafao bjale, lehono, ge re lebelela godimo ga dikerekemaina tša rena, Methodist, Baptist, Presbyterian, Lutheran, Church of Christ (yeo e bitšwago), le Mapentecostal le dilo, re hwetša kae yeo? Ga o e hwetše.

¹³⁶ Ke tla amogela gore Mapentecostal ba ne selo sa kgauswiuswi le Yona, sesele sona, gobane ba godimo fa ka go Lebaka la Kereke ya Laodikia. Ba bile le Therešo gomme ba E ganne. Ba bile bolelo le Yona, gomme Modimo o ba tshwele go tšwa molomong wa Gagwe. Seo ke go ya ka Mangwalo tlwa.

¹³⁷ O ka se kgone go dira wona Mangwalo gore a aketše. Le a bona? A ya go ba therešo, ka mehla. Le se ke la leka go . . . Selo se nnoši, le se ke la leka go bea mogopolo wa lena godimo go . . . goba Mangwalo godimo go mogopolo wa lena. Eupša lok- . . . lokologanang lenabeng le Mangwalo. Ke gore, gona le kitima le Modimo. Ga go kgathale le swanetše go ripa bontši gakaakang, goba go beela thoko, lokologanang le Leo. Le a bona?

138 Bonang se O se dirilego leka la mathomo O welego. Gabotse, ge Modimo a dirile ka mokgwa woo lekga la mathomo, O swanetše go dira ka mokgwa woo lekga la bobedi. O swanetše go dira ka mokgwa woo nako le nako, goba O dirile phošo lekga la mathomo.

Le a bona, rena bjalo ka ba ba hwago, re kgona go dira diphošo. Modimo ga a kgone.

139 Sephetho sa Modimo sa pele se phethagetše. Gomme tsela ye A kgethilego go dira dilo, fao go ka se kgone go ba ye nngwe, tsela ye kaonekaone. A ka se kgone go hlabologa go yona, ka gore e phethagetše, sa mathomo. Ge e se yona, gona Yena ga se mohlokamagomo. Gomme ge A le mohlokamagomo, gona Ke motsebatšohle. Gomme ge A le motsebatšohle, Ke mokgonatšohle. Amene! O swanetše go ba seo, go ba Modimo. Le a bona? Kafao o—o ka se kgone go bolela, bjale, “O ithutile bontši.” Ga se A ithuta go fetiša, Yena ke—Yena ke wona mothopo wa bohlale bjohle. Le a bona?

140 Bohlale bja rena mo bo tšwa go Sathane. Re bo abetšwe go tšwa Edene, moo re fetotšego tumelo bakeng sa bohlale. Efa o e dirile.

141 Bjale, sa pele o be a bitšwa molwalekriste. Legato la bobedi, o be a bitšwa moprofeta wa maaka, gobane moya wola magareng ga batho o ba nameng.

142 Le a elelwa, monamedi wa pere ye tšhweu bjale o be a se ne mphaphahlogo ge a be a thoma, eupša nako yeo o be a tla . . . o be a filwa mphaphahlogo. Gobaneng? O be a le moya wa Banikolaite, le go thoma; gomme morago a tla nameng ka go monna; gomme morago o rwešitšwe mphaphahlogo, gomme o amogetše terone gomme o rwešitšwe mphaphahlogo. Gomme ka gona o dirile seo nako ye telele, bjalo ka ge re tla bona ge re . . . Mahuto a a kgaoga.

143 Gomme ka gona re hwetša, ka morago ga nako ye telele yela, Sathane o ragilwe go tšwa Legodimong. Gomme o a theoga, go ya ka Mangwalo, gomme o ipea teroneng yenamong. Nno naganang, a ipea teroneng yenamong ka go monna yola, gomme a ba sebata. Gomme o be a na le maatla, maatla a godimodimo, go swana le ge a dirile, mehlolo yohle le se sengwe le se sengwe, gore—gore, goba dipolao le dintwa tša madi le se sengwe le se sengwe seo—seo Roma e ka kgonago go se tšweletša. Go lokile. O bolaile ka sehlogo, kotlo ya Roma. Feela, oo, ka fao re ka go tsentšha Mangwalo tsoko fa!

144 Elelwang, Jesu Kriste o hwile ka tlase ga kotlo ya Roma, kotlo ya lehu.

145 Molaetša wo ke nago le wona ka pelong ya ka, go o rera godimo mo ka kopanong ye e latelago, ka Labohlano le Lebotse morago ga sekgalela, o kopana le tše tharo, dilo tše nne, le a bona. “Fale ba Mmapotše.” “Fale,” sekgethwakgethwa, lefelo

la bodumedi kudukudu lefaseng e be e le Jerusalema. “Bona,” ba bakgethwa kudu (ba swanetšego go ba) batho ka lefaseng, Bajuda. “Fale ba *bapola*,” kotlo ye šorošoro kudu yeo Roma e kgonnego go e tšweletša. “Ba *Mmapola*.” Eng? Motho yo mogologolo a kilego a phela. “Fale ba *Mmapotše*.” Oo, nna!

146 Modimo nthuše go Le hwidihwidinyetša ka go sehlopha sela sa borakgwebo, go fihla ba kgona go bona moo ba emego. Go lokile. Bjale, e sego go fapana, e sego go selekiša; eupša go šikinya Woo, go fihla bona banešu ba kgona go bona gore bahlomphegi le botate ba bakgethwa, le dilo tše ba di ngwalago godimo ka go tšenale ye ya Banna ba Kgwebo, ke ditšiebadimo. Bakriste ga ba swanela go bitša monna yo itšego “Tate.” Ba thoma morago, ke lekile go ba thuša ka go se sengwe le se sengwe nka kgonago (Le a bona bjale moo theipi ye e yago.), kafao, ke fedile, Ka kgonthe nka se be le e ka ba eng gape go dira le yona. Go lokile. Sa pele, e lelwang Kriste.

147 Sa pele, bjalo ka Nik-...Nikolaite, gomme lebaka la Nikolaite le kgopetše eng? Le kgopetše go tloga go bona sehlopha sa batho bao ba goeletšago le go phaphatha diatla tša bona, gomme go lebegile boka bogoboga; boka ba dirile ka Pentecost, ba itshwara boka banna ba go tagwa, ba thekesela ka Moya, le dilo. Ba be ba sa nyake selo sa dilo tšeo. Ba rile ba be ba tagilwe. Gomme ge batsebagegi. . . Theetšang! Le se hlaiwe ke se. Go ka no kwagala bogafa go lena, eupša ke Therešo. Ge ba—ba bahlomphegi ba thoma go tla ka gare, ba be ba sa kgone go theogela go seo.

148 Se se dirago Modimo yo mogolo, ke ka gobane O bogolo go lekanela go theogela tlase. Seo ke se se Mo dirago yo mogolo. Ga go selo se segologolo. Gomme O theogetše tlasetlase moo e ka bago mang a ka go theogela, moo motho e ka ba ofe a kilego a theogela. O be a le Kgoši ya Legodimo, gomme O tlile go to—to toropongkgolo ya fasefase lefaseng, Jeriko. Gomme O ile fase kudu go fihla le monna yo mokopana kudu ka toropong a swanelwa ke go lebelela fase go Yena, go Mmona. A yeo ke nnete? Sakeo. Yeo ke nnete. O be a bitšwa leina le lebelebe leo motho mang kapa mang a ka bitšwago, “mosenyi, diabololo, Beletsebabu.” Seo ke se lefase le se nagannego ka Yena. O hwile lehu le lešorošoro. Ga se ba be le lefelo go latša hlogo ya Gagwe. O ragetšwe ntle, ke mokgatlo wo mongwe le wo mongwe.

149 Eupša ge Modimo a Mo phagamišeditše, godimo kudu go fihla A swanetše go lebelela fase go bona Legodimo. Le bona ka fao, Modimo, ka boikokobetšo. Le a bona? Gomme O Mo fa Leina le legolo kudu go fihla lapa ka moka la Legodimong le rereletšwe Yena, le lapa le lengwe le le lengwe la le—le lefaseng. Lapa lohle lefaseng le bitšwa “Jesu.” Malapa ohle ka Legodimong a bitšwa “Jesu.” Gomme Leina le le bjalo, leo, letolo le lengwe le le lengwe le tla kobega, gomme leleme le lengwe le le lengwe le tla ipolela, go Yena go beng Morena; e ka ba fa goba ka heleng. Hele e tla

khunama go lona. Se sengwe le se sengwe gape se tla khunama go lona. Le a bona? Eupša sa pele e be e le boikokobetšo, ka gona e ba se segolo. Le a bona? A nke Modimo a phagamišwe. “Yo a ikokobetšago yenamong, Modimo o tla mo phagamiša.” Le a bona?

150 Bjale, re hlokomela moya wo wa *nikao* o nyakile bohlaile, botswerertswerere. O ile wa swanela go e fa mabaka, boka e bile ka Edene, go fa mabaka kgahlanong le Lentšu la Modimo, ka bohlaile, gomme kereke e e wetše. E be e le eng?

151 Bjale, a re reng, re tšee kereke ye mo, gomme re tšee sehlopha sa batho boka re le, ge o be o se wa tlatšwa ka Moya ka kgonthe. Gomme a re tšeeng, re re . . . Bjale, ga go selo kgahlanong le meyara wa toropokgolo ya rena. Ga ke nagane gore ke a mo tseba, Mna. Bottorff. A o sa le meyara? Mna. . . . Ga ke . . . Le a bona? Ga ke . . . Mna. Bottorff ke mogwera yo mokaone wa ka, le a bona. Eupša, e re, meyara wa toropokgolo, le ohle maatla a sephodisa, le—le bohle bahlokomedu, gomme bohle ba—ba tla mo. Selo sa pele le a tseba, ge ba na le feela selo se sennyane ka hlogong ya bona, le go thoma go bolela le poto le batho tikologong mo, gomme ba re, “Bjale le a tseba ke eng? Se se swanetše go ba go fapana.” Ge le se la tlatšwa ka Moya, gomme le na le monna wa kgonthe wa go tlatšwa ka Moya ka morago ga phuluphithi, selo sa pele le a tseba, le tla ba go ba fa tsebe. Mohlomongwe e sego go moloko wo; mohlomongwe moloko wa go latela.

152 Gomme ke ka tsela ye e thomilego ka gare. Le a bona? Gobaneng? Ba be ba re, “Lebelelang mo. E a kwagala.” Lena, le tla theetša.

153 A ke re monna o tla ka fa, yoo a ka go re, “Kereke ye ke ye nnyane kudu. A re ageng kereke ye kgolo. Ke tla le agela e tee godimo mo, e . . . e tla ja tšhelete ye ntši kudu, seripa sa milione wa ditolaro. E tla bewa ka kua. Ke tla bea selo godimo ga kgašo.” Ge ba dira seo, gona ba ne selepe go šila; makga a senyane go a lesome, le a tseba, yo mongwe wa bona mohuta. Selo sa pele le a tseba, gona, ge a dira, o sepediša dilo go swanela yenamong. “O ka se kgone go bolela selo, ka gobane Ngwanešu John Doe morago kua, ke matlotlo a kereke ye.” Le a bona? Gomme ka gona o hwetša Ricky yo monnyane go tšwa siminaring ye nngwe, yo a tsebago kudu ka Modimo bjalo ka ge Mokgothu a dira ka bošego bja Egepeta, gomme o tle tla fale gomme o tla fa mothaka yola šedi, ka gobane o mo rekela koloi ye mpsha nako yohle, a mo dumelela a otlala tikologong, le go mo rekela *se, seo, le se sengwe*.

154 Bjale, ke tlwa ka fao e thomilego. Nnete. Hlokomelang, bohlaile le botswerere! Ba rile, “Bjale lebelelang mo, a ga e no ba go kwagala? Bjale, ba . . . ba rena—ba rena basadi, ke phapano efe e dirago ka fao ba aparago moriri wa bona?” Eupša Beibele e re e dira phapano. E no tšea selo se tee seo, ntle le makgolo a

tše dingwe. Le a bona? Go dira phapano. Modimo o rile go dirile phapano, kafao ke phapano.

¹⁵⁵ Eupša, le a bona, ge ba ka hwetša seo go thomiša, le pota ya bahlokomelaphahlo, le matikone le se sengwe le se sengwe, selo sa pele le a tseba, modiša e ba o a tsena goba o tšwela ntle. Seo ke phetho. Le a bona, ke batho ba ba e boutetšego ka gare. Go lokile.

¹⁵⁶ Bjale hlokomelang, moya wola o thoma go sepela, le kereke yeo e lego yeo, yeo, e bilego le bahlomphegi kudu ka go yona, dilo tše kgolo tše dintši kudu, le tšehelete ye ntši kudu e thomile, go fihla moragpo ga nakwana ba e theeditše le go e rata, bogarigari bja diabolo.

¹⁵⁷ Gomme seo ke sona selo seo Efa a se dirilego ka serapeng sa Edene. Bjale, le kwa seo. Yeo ke nnete. Lebelelang, mosadi wa tlhago, monyalwa wa Adama, pele a etla go yena bjalo ka mosadimogatša, o wetše bakeng sa sekimi sa Sathane kgahlanong le Lentšu la Modimo, ka go Le fa mabaka. Pele Adama a be a ka phela le Efa bjalo ka mosadimogatša, Sathane o mo thakoditše fale. Yeo ke nnete. Le kwele *Mohlare Monyalwa*, ke rerile ka wona. Seo se bolela ka yona, le a bona. Go lokile. Bjale hlokomelang, fale, Efa o wetše go feng mabaka. Bjale yena, Sathane, o lekile go Le fa mabaka.

O rile, “Eupša Morena o rile . . .”

¹⁵⁸ O rile, “Oo, o a tseba, eupša ka kgonthe Morena a ka se ke. Le a bona? Wena, o nyaka go ba bohlae. O nyaka go tseba se sengwe. Gobaneng, ga o selo eupša ngwana wa setlaela. Le a bona? O swanetše go tseba se sengwe.” Ge yoo e se Sathane! Oo, nna!

¹⁵⁹ Ge seo e se tše dingwe tša tše, tša sebjalebjae, le a bona, “Oo, ba no ba sehlopha sa bapshikologibakgethwa. Le se ke la ba fa šedi, le a bona. Le se ke . . . Le a bona?”

¹⁶⁰ Bjale, wa tlhago, monyalwa wa pele wa moloko wa motho, pele monnamogatsa wa gagwe a etla go yena, o wele go tšwa mogaung, ka go theetša maaka a Sathane, morago ga ge Modimo a mo šireleditše ka morago ga Lentšu la Gagwe. Ge nkabe a ile a dula ka morago ga Lentšu, nkabe a se a ke a wa. Bjale seo se ka tlhagong, hlokomelang, mosadi wa tlhago.

¹⁶¹ Gomme thogako e be e le eng, thogako ya nnete ya go tšwela ntle go tšwa ka morago ga Lentšu la Modimo?

¹⁶² Bjale elelwang, o dumetše e ka ba diphesente tše masomesenyane seswai tša Lona. Eupša o no swanela go tlogela Selo se tee go sepela. Le a bona? O dumetše bontši ka moka bja Lona. Oo, ka kgonthe. O boletše Se, gomme Sathane o tla amogela Seo se be se lokile. Ge a ka no kgona go go hwetša khoneng e tee, seo ke sohle a se nyakago. Le a bona? Selo se nnoši o swanetšego go se dira ke go fa kolo go phetlagana go gonnyane ka tsela *ye*, gomme e tla foša senepša. Le a bona? Yeo

ke phetho. Bjale, o dumetše bontši kudu bja Lona, eupša efela o e fošitše.

163 Bjale, gomme—gomme dipoelo, ka gore o tlogetše Lentšu, bakeng sa tshetlana e tee ye nnyane ya lebaka.

164 Gabotse, o re bjale, “Go reng ka basadi?” Goba, “Gobaneng o nyaka go bolela ka se sengwe boka seo?” Eupša e ka ba efe ya dilo tše nnyane tseo. “Phapano ke eng, ge eba ke bohlatse bja mathomo?” Ke se sengwe go yona! Le na le. . .

165 E swanetše go otlohlwa ntle. Re tšere gore go Lona, go kgabola mabaka a šupago a kereke, go nyakile. Eupša iri e tlile ge Modimo a Le bolela. Gomme Yena ga a Le bolele feela, eupša O a Le laetša, le go Le hlatsela, le go Le netefatša. Yeo ke therešo. Ge A sa e dire, gona ga se Modimo, ke phetho. Modimo o ema ka morago ga Lentšu la Gagwe.

166 Hlokomelang bjale. Bjale, mosadi wa tlhago o hlotše lehu la tlhago, ka gore o theeditše go fa mabaka, go itira yo bohlafe yenamong, go itira yo bohlafe yenamong sebakeng sa go dula ka morago ga Lentšu le go dira se Modimo a mmoditšego sona. O be a nyaka bohlafe, gomme a be bohlafe. Gomme o ile a theetša go fa mabaka, gomme—gomme o lobile moloko ka moka wa batho. Le a bona?

167 Bjale, nako ye, mosadi wa semoya, Monyalwa wa Kriste yo a thomilego ka Letsatši la Pentecost, ka Kereke ya pele ya boapostola, o lobile selo sa go swana ka go Khansele ya Nicaea. Lee, o a tseba yeo ke nnete. Gomme ka—ka go Khansele ya Nicaea, ge a neelana ka ditokelo tša tswalo tša gagwe tša semoya, go tšea dikereke tše kgolo tša Constantine le dilo tseo a di filego fale, gomme o rekišitše ntle ditokelo tša tswalo tša gagwe tša Lengwalo bakeng sa sehlopha sa thutotaelo ya Roma. Bjale, seo se thata go Katoliki. Eupša Protestant e dirile selo sa go swana, gomme o a emelwa, ka Beibeleng mo, bjalo ka morwedi “wa mmalegogwana, wa seotswa.” Seo ke therešo tlwa, yo mongwe le yo mongwe yo motee wa bona! Fao ga go na le maitsharelelo.

168 Eupša go tšwa fao ka mehla go bile mašalela a manyane, thwi go bapela, ao a yago go dira Monyalwa.

169 Elang hloko, o lahlegetšwe ke ditokelotswalo tša gagwe, le a bona, pele monnamogatša wa gagwe a fihla go yena. Le a bona? Pele ga monyanya, o lahlegetšwe ke bokwala bja gagwe.

170 Gomme bjale le elelwa godimo kua, o rile, “Ke dula bjalo ka kgošigadi. Ga ke hloke selo,” ka go Lebaka lela la Laodikia fale. “Ke humile gomme ke atetšwe ke leruo, le go ya pele. Gomme, oo, lefase ka moka le lebelela godimo go nna. Ke nna ye kgolo, kereke ye kgethwa, le go ya pele. Re ka tsela *ye*,” lebaka ka moka.

171 Gomme O rile, “Ga o tsebe gore o hlototše, o fofetše, o a šokiša, o madimabe, o a diila, gomme ga o tsebe.” Seo ke seemo. Bjale, ge Moya wo Mokgethwa o rile seemo se tla ba ka tsela yeo

mo matšatšing a mafelelo, go ka tsela yeo! Ga go tsela ya go ya go e dikologa. Ke ka tsela ye e lego.

172 Bjale šetšang. Bjale, ge a rekišitše ditokelotswalo tša gagwe morago kua, tokelo ya gagwe ye maatla, ya Lentšu, o dirile eng? Ge Efa a e dirile, o lobile tlholo; tlholo ka moka ya wa ka tlase ga gagwe.

173 Bjale hlokomelang, gomme ge kereke e e dirile, e amogetše dithutotaelo sebakeng sa Moya le Lentšu, e rogakile tshepedišo ka moka. Tshepedišo ye nngwe le ye nngwe ya kerekeleina ye e kilego ya ba yona, goba e ka tsogego ya ba, e rogakilwe le yona, gomme ya wa, ka gore ga go tsela ye nngwe.

174 Ge o hwetša sehlopha sa banna mmogo, go naganišiša ntle eng kapa eng, yo motee o na le hlogo ka tsela *ye*, gomme yo motee o na le hlogo ka tsela *yela*, gomme yo motee o na le hlogo ka tsela *ye*. Gomme ba bea dilo mmogo le go e šikinya, gomme, ge e tšwela ntle, seo ke se le mo hweditšego.

175 Seo ke tlwa se ba se dirilego ka go Khansele ya Necene. Seo ke tlwa se ba se dirago ka Methodist, Presbyterian, Church of Christ, le ka moka ga bona. Gomme ga go motho, ga go kgathale se Modimo a mo utollego, o swanetše go e ruta ka tsela ye ditshwanelego tša bona, thutotumelo ya bona—thutotumelo e boelago, goba ba tla go ragela ka ntle. Bjale, le se ke la mpošša. Ke bile fao, le a bona, gomme ke a e tseba.

176 Gomme seo e no ba tlwa se se diregilego, kafao selo ka moka se rogakilwe. Ga go makatše morongwa o rile, “Tšwang go yena, batho ba Ka, gore le se be batšekarolo ba dikotlo tša gagwe.” Ka baka la gore, o ya go. . . O rogilwe, gomme o swanetše go tlaišega ka thogako ya bogale bja Modimo godimo ga gagwe, ka gore o rekišitše bokwala le ditokelo tša gagwe. Le a bona? Eupša. . . Oo, nna!

177 Eupša, elelwang. Go boneng boemo bjoo bjohle, eupša efela Modimo o tshepišitše, ka go Joele 2:25, ge le nyaka go e bea fase, “Ka matšatšing a mafelelo. . .”

178 Ge A rile, “Tše mogokong o di šiilego, phatakalala e di jele; se phatakalala e se šiilego, di—di ditšie di jele; se tšie e jelego. . .” Feela go theoga, ka khunkhwane ka morago ga khunkhwane, e be e tlile le go ja go Kereke yela go fihla mafelelong E be e se selo eupša kutu. Šetšang! Se Baroma ba se tlogetšego, Malutheran ba se jele; se Malutheran a se tlogetšego, Mamethodist ba se jele; le se Mamethodist ba se tlogetšego, Mapentecostal ba se jele; le a bona, go fihla a le tlase go kutu.

179 Gomme a le a tseba ke eng? Le tšea diboko tšela ka fale, tšie le phatakalala, le go ya pele, gomme o di kitimišša go kgabola pu—pu puku, gomme wa hwetša. Ke seboko sa go swana feela ka go magato a go fapana.

180 Swara ntlha ya gago. Mahuto a a bjalo! Ke diboko tša go swana. O ya go e bona ge re e tliša ntle, kafao ke tla le botša bjale. Ke seboko sa go swana, nako yohle. Tše nne tša diboko tšeo; tše nne mo. Gomme šedile fale, ke selo sa go swana. Ke moya wa go swana. Se se setee se se tlogetšego, se sengwe se jele; gomme se se se se tlogetšego, se sengwe se a ja; ka mokgwa woo, go fihla ba e tlišitše go kutu.

181 Eupša Joele o rile, “Ke tla bušetša, go rialo Morena, yohle mengwaga ye phatakalala e e jelego.”

182 Ke eng? O ya go e dira bjang; ge e thomile, molwalekriste, ka go ba kgahlanong le thuto ya Kriste, yo a amogetšego thutotaelo seabakeng sa Lentšu? Gomme go kgabola mengwaga batsošološi ba phonketše go yona, bjalo ka ge Beibele e boletše.

183 “Eupša ka letšatšing la mafelelo, go galagatseng. . .” Kutollo 10:1-7, O rile, “Diphiri tša Modimo di tla be di fedile ka matšatšing a mafelelo, ka go galagatseng ga morongwa wa bošupa.” Maleaki 4, e boletše gore O tla “Roma Eliya pele letšatši le lebe le etla godimo ga lefase, ge A tla be a le tšhuma bjalo ka leuba. Gomme o tla bušetša, le go tliša morago ba—ba bana go Tumelo ya botate,” Ya setlogo, ya boapostola, Tumelo ya Pentecostal e be e tshepišitšwe go bušetšwa. Bjale, seo se no ba pepeneneng bjalo ka ge Lengwalo le ka kgona go e bolela. Bjale e tshepišitšwe. Gomme ge re le ka matšatšing a mafelelo, se sengwe se swanetše go direga. Le a bona? Gomme se a direga, gomme re a se bona.

184 Hlokomelang thrinithi ya Sathane. Motho wa go swana a etla; go no tla nameng go tloga go yo motee go ya go yo mongwe. Ke ka tsela yeo tšona dikhunkhwane di dirilego, tšona diboko, e tee go ye nngwe, tlwa. Bonikolaite, “molwalekriste wa semoya.” Mopapa, “moprofeta wa maaka.” “Sebata,” diabololo yenamong, nameng. A ka se kgone go e dira. . .

185 Bjale, le boloka seo kgopolong ya lena bjale, ge le latela se. Le ya go bona banamedi ba ba etla thwi go otlologa godimo go seo. Le a bona, ke le beela seswantšho mo. Ge nkabe ke na le yona mo letlapeng, le be le ka e kwešiša bokaone. Le a bona, ke šeditše.

186 Sa pele, bjale. Le elelwa se. Selo sa pele a lego, ke yena “moya wa molwalekriste.” Johane o boletše bjalo. “Bana ba bannyane, moya wa molwalekriste o šetše o šoma ka go bana ba go se kwe.” Le a bona, selo sela se thomile go thoma. Gomme ka gona se bile mohuta wa “polelo,” ka go lebaka la kereke la go latela. Gomme lebaka la kereke la go latela, e be e le “thuto.” Gomme lebaka la kereke la go latela, o be a “rwešitšwe mphaphahlogo.” Bjale a seo ga se no ba pepeneneng ka mo o ka kgonago go e bala? Le a bona? Le a bona, šole o a tla.

187 Bjale, sa pele, o be a bitšwa (eng?) “moya wa molwalekriste,” gobane o be a le kgahlanong le Lentšu. Seo ke se se e thomilego.

Seo ke tlwa se se dirilego selo ka moka, se be se retologa go tloga go Lentšu la Modimo. E sego ka gobane Efa a ka be a file Kaine go phasolwa letšatši le lengwe. Le a bona? Seo e be e se se e dirilego. Selo sa pele se se dirilego selo sohle, e bile gore o retologile go tloga go Lentšu. O retologile go tloga go Lentšu. Gomme selo sa pele, se thomile bommalegogwana ka kerekeng ya Modimo yo a phelago, Monyalwa wa Kriste, o retologile go tloga go Lentšu gomme a amogela thutotaelo ya Roma sebakeng sa Lentšu la Modimo. Go diregile eng go mokgatlo wo mongwe le wo mongwe? O dirile sona selo sa go swana.

¹⁸⁸ Bjale, eupša o tshepišitše gore mo matšatšing a mafelelo O tla dira tsela go bušetša gape. Lentšu la Morena le tla rothela godimo ga lefase, bjalo ka ge A e dirile mathomong, gomme, oo, gomme o tla bušetša morago (eng?) se se e thomilego. “Kgahlanong le Lentšu.” Gomme moisa yo o swanetše go dira eng ge a etla, a tlotitšwe ka Moya wa Modimo? O no “tliša Tumelo ya bana morago go botate.” Ke ka mokgwa wo A bušetšago. Gomme le hwetša Lentšu le le swanago, ka lefelong le le swanago le Le lego *Mo*, Le ya go dira selo se se swanago.

¹⁸⁹ Jesu o rile, “Ge motho e ka ba mang wa Ka! Gomme yo a dumelago ka go Nna, mediro ye Ke e dirago o tla e dira le yena.” Gomme ge ba Mo kgopetše go dira dilo tše rilego, O rile, “Ke dira feela se Tate a Mpontšhago. Ga Ke dire selo go fihla Ke se bona, pele. Se Ke bonago Tate a se dira, seo ke se Ke se dirago le nna. Tate o a šoma, gomme ka gona Ke a šoma go fihla mo.” Le a bona? A ga le e bone? Gobaneng, e no ba go swana le go bala kuranta. Le a bona?

Bjale, bjale, sa pele, gona, o bile “molwalekriste.”

¹⁹⁰ Bjale, a ka se kgone go ba molwalekriste feela ka moyeng. Ka gona, o bile molwalekriste, gomme moya woo o tšere monna yo a rutilego dilo tša go swana gore moya wola wa molwalekriste o bego o dira, gomme morago o bile “moprofeta wa maaka,” go moya wa molwalekriste. Bjale go reng ka monna ka mokgatlong? Itekanye bowena. Ga ke tsebe gore o nagana eng ka yona. Go lokile.

¹⁹¹ Bjale, mafelelong, o ba “sebata.” Bjale emang, gomme re tla tsena ka go seo ka morago ga lebakana, le a bona. Ka moka gabotse.

¹⁹² Bjale, bjalo ka ge thrinithi ya Sathane e robetše ka mokgwa woo; Sathane, nako yohle. Sathane, “moya wa molwalekriste.” Moya wa molwalekriste, nameng, “moprofeta wa maaka.” Gona, e ba “sebata.” Le a bona? Ge. . . E sego letimone, leo le bego le le ka go molwalekriste yola; eupša ge Sathane yenamong a ragelwa ntle, o tla fase le go tšea godimo lefelo moo letimone le bego le le gona. Diabolo, gona, gona diabolo o ka nameng ka go motho. E no ipoetša yonamong.

193 Seo ke se Judase Iskariothe a bego a le sona. Gomme o dirile eng? A o be a le yo mongwe wa baisesa yo a bego a le kgahlanong le Kriste? Gobaneng, o be a le ramatlotlotlo, o sepetše le Yena. Ka kgongthe. A sepela thwi mmogo le bona. A ya ntle kua gomme a lelekela bodiabolo ntle, gomme a dira feela tlwa se ba se dirilego.

194 Gomme Kriste o be a le Modimo yo a aperego nama; Modimo, a apere nama ka nameng, Imanuele. Gomme Judase o be a le morwa wa tahlego. Gomme Jesu o be a le Morwa wa Modimo. Modimo ka nameng; diabololo ka nameng.

195 Batho ba bangwe ba bona feela difapano tše tharo ka nako yeo. Go be go le tše nne tša tšona. Go bile ba bararo ka Gologotha, bao re ba bonago. Yoo e be e le Jesu mo bogareng, lehodu go la Gagwe la nngela, le lehodu go la Gagwe le letona.

196 Gomme šetšang. Lehodu le tee le rile go le lengwe, goba le rile go Jesu, “Ge. . .” Bjale, le a tseba Yena ke Lentšu. Eupša, “Ge o le Lentšu, a o ka se iphološe wenamong? A o ka se dire se sengwe ka lona?”

197 Seo ke selo sa go swana lehono. A ga se la kwa bodiabolo ba ba kgale ba etla, ba re, “Ge o dumela go phodišo Kgethwa, mahlo a yo mongwe šea, a o ka se bule mahlo a bona?” “Ntie ke foufale! Ntie ke foufale!” Diabololo yola wa kgale wa go swana. Le a bona? “Fologa sefapanong, re tla go dumela.” “Ge o le Morwa wa Modimo, fetola maswika a go ba borotho.” Diabololo wa go swana.

198 O no sepela go tloga, le a bona. Aowa. Yeo ke tsela ye Jesu a e dirilego. Ga se A tsoge a direla e ka ba mang wa bona metlae.

199 Ba bea lešela godimo ga seatla sa Gagwe. . . godimo ga mahlo a Gagwe a bohlokwa, ka mokgwa woo. Gomme ba tšere lepara, gomme ba Mmetha godimo ga hlogo. Ba rile, “Re botše! Ge o le moprofeta, bjale re botše ke mang a go bethilego.” Ba neetšane lepara, yo motee go ya go yo mongwe. “Bjale re botše yo a go iteilego, gomme re tla dumela o moprofeta.” Yena ga se nke a bula molomo wa Gagwe. O nno dula fale. Le a bona? Ga A dira metlae. O nno dira bjalo ka ge Tate a bolela, le a bona. Le a bona? A ba lesa ba ya pele. Nako ya bona e a tla. Le se ke la tshwenyega. Ee, mohlomphegi. Bjale, ba kgwathile seaparo sa Gagwe, ga se bake ba ikwela bokwala.

200 Eupša mosadi yo monnyane wa go šokiša, o bile le tlhoko, o nno kgwatha kobo ya Gagwe. O retologile go dikologa gomme o rile, “Ke mang a Nkgwathilego?” Uh-huh. Ke eng? Kgwatho ya go fapana. Go ya le gore o Mo kgwatha bjang, le a bona, le a bona, se o se dumelago. Bjale, le a bona?

201 Bjale, bjalo ka ge Sathane a eya go. . . a ipea nameng yenamong, go tloga go molwalekriste go ya go moprofeta wa maaka bjale. Gomme ka matšatšing a Mojuda, ke “molwalekriste,” magareng ga kereke ya pelepele. Ka go mabaka a leswiswi, o bile “moprofeta wa maaka,” go lefase. Le a mmona

fale ka “komiki ya gagwe ya bokgopo”? Bjale, seo ke go lebaka la kereke bjale.

202 Eupša ka go lebaka ka morago ga ge Kereke e ile Gae, o ba sebata, o ba diabololo a apere nama, trakoni ye khubedu yenamong. Oo, nna! A ga le kgone go bona se ke se rago? O apere nama ka go batho ba gagwe nako yeo. O na le batho ba gagwe ba tlemilwe ka maatla a gagwe. Moprofeta wa maaka o ba profetetše thwi ka go wona. “Ba fe godimo go phoro ye maatla, go dumela maaka le go lahlwa ka ona.” “Ba gana Lentšu; ka sebopego sa bomodimo.”

203 Modimo o a šoma, lefelo la Gagwe, ka go thrinithi. Tokafatšo; tlhwekišo; le go ikapeša nameng Yenamong ka go batho ba Gagwe, ka kolobetšo ya Moya wo Mokgethwa.

204 Selo sa go swana, diabololo o no ba ka go sekai, ka morago ga Kriste. Oo, Sathane o ikapeša yenamong ka nameng. . . Bjale šetšang. Sathane. . .

205 Ge Jesu a ikapeša nameng Yenamong ka go batho ba Gagwe, bjona Bophelo bjo bo bego bo le ka go Kriste bo ka go motho.

206 E tla dira eng ge o tšere bophelo go tšwa go moterebe gomme wa bo bea ka go mobeine lefodi? E be e ka se sa enywa mafodi gape; e be e tla enywa diterebe. Go ka reng ge o tšere bophelo go tšwa go mohlare wa moperekisi gomme wa bo bea ka go mohlare wa mopšre? A o tla enywa dipšere? Aowa. O enywa diperekisi. Bophelo bo bolela se bo lego sona. Le a bona?

207 Ge o re, ekwa batho ba re ba na le Moya wo Mokgethwa, gomme ba gana Lentšu le, go na le selo se sengwe se se fošagetšego. Moya wo Mokgethwa o ngwadile Lentšu lela.

208 Gomme Jesu o boletše se, “Ge motho a ne Moya wa Ka ka go yena, o tla dira mediro ya Ka.” Le nyaka go bala yeo? Le nyaka go e ngwala? Ke Mokgethwa Johane 14:12. Ya. Go lokile. “Yo a dumelago ka go Nna, mediro ye Ke e dirago o tla e dira le yena. Ebile le ye e fetago ye o tla di dira, ka gore Ke ya go Tate.” Le a bona? Ka gona O a hlwekiša le go mo hlwekiša, gore a kgone go ema pele ga Modimo. Lerothi lela la enke le wela fale, gomme le mo tšea go kgabola legaga. Le a bona?

209 Bjale šetšang. Sathane, ge a ikapeša nameng yenamong ka go balatedi ba gagwe, ba dira modiro woo a o dirilego. A ga le bone? O dirile eng? O tlile thwi go mosadi yola wa go hloka molato, go mo fora. Gomme seo ke tlwa se ba bangwe ba bodiabololo ba ba se dirago, ba tla thwi ka lefelong gomme ba re. . . Modiša yo monnyane o a thoma, ntle felotsoko; o tla ka gare gomme a re, “Oo, ge o ka no tšoenana le rena!” Huh! Huh! Diabololo wa go swana o a šoma. Bjale, yeo ke Therešo! Gomme ge Sathane a tsena ka nameng ka kerekeng ya gagwe, go ba diabololo, gona ke bona bao ba bolayago le go bolaya, le go ya pele. Ka gore, Sathane ke mmolai, lefelong la pele; moaketši le. . . Le a bona? Go lokile.

210 Sathane o dira eng ge a dira, ge a tena ka nameng magareng ga batho? Ke mošomo wa gagwe go ba mahlajana. O hlalefile. O puruputša Beibele, gomme ntaetšaeng moo Modimo a kilego a šoma le batho ba bohla. E tsomeng, gomme ka mehla ge e se babohlale bao ba swerwego ke bodiabolo. Ke lentšu le legolo, eupša ke therešo. Ke a go hlohla go tšea le—le lešika, go tloga go la Abele go ya go Kaine; gomme, yona meloko ye lesomenne, e kitimišetše ntle, le go bona ke ofe a bego a le ka go lehlakore la setswerere, gomme ke ofe a bilego bona ba go kokobela. Uh-huh.

211 Gobaneng Jesu a se a kgetha batho ba ba bjalo? O hweditše banna ba go thea dihlapa le banna bao ebile ba sa kgonego go saena leina la bona beng, go ba bea hlogo ya Kereke ya Gagwe. Yeo ke nnete. Bohla le ga—ga se selo; bo—bo kgahlanong le Kriste. Bohla le bja lefase bo kgahlanong le Kriste, ka mehla. Jesu ga se a ke a re botša go ya go aga disiminari; Yena ga se a ke a e dira; go ba le dikolo tša Beibele. O rile, “Rerang Lentšu! Rerang Ebangedi!” Gomme ka gona ge A rile, “Maswao a a tla latela bona ba ba dumelago,” le a bona, o tla swanela go ba . . . Ka mantšu a mangwe, O rile, “Eyang le laetše Maatla a Modimo, go ditšhaba tšohle.”

212 Bjale šetšang. Mošomo wa Sathane ke go aroša Lentšu la Modimo, go bohla le bja go fa mabaka. Oo, nna! Oo! Ka gona o swaya balatedi ba gagwe, ka go gana Lentšu la setlogo. Bjale a nke seo . . .

213 A le ka—a le ka—a le ka ntumelela feela gannyane nthatana go fetiša, le go hwetša se? Se, ga ke nyake le foše se. A nke ke le bontšhe sekai, gore le kgone go se bona sohle ka go sekai le ka go Lentšu, le se sengwe le se sengwe. Le—le ka se kgone . . . Ga la swanela go tloga le gakanegile.

214 Ka go Testamente ya Kgale, ge monna a rekišitšwe go bokgoba. Fao go tlile ngwaga wa megobo, mengwaga ye mengwe le ye mengwe ye masometlhano. Ngwaga wa masomenne senyane, gomme morago ngwaga wa megobo. Gomme ge lekgoba le kwele se, gomme a nyakile go lokologa, ga go—ga go selo seo se ka go mo thibela go lokologa. A ka kgona go lahlela mogoma wa gagwe fase, gomme a re, “botelele bjo,” a ya morago gae. Phalafala e galagetše. Yeo ke therešo.

215 Eupša ge a sa nyake go ya, gomme a kgotsofetše ka mongmošomo wa gagwe, gona o išwa ka te—te—te tempeleng, gomme ba tšea tšhuduba . . . Le tšeba se tšhuduba e lego. Gomme ba kokobetša tšeba ya gagwe, le go bea lešoba tšebeng ya gagwe. Gomme ke mmaraka, gore a ka se tsoge a kgona go ya morago. A yeo ke nnete? O swanetše go direla mong yo nako ka moka. Ga ke tshwenyegwe gore ke ga kae go fetiša megobo e kwagalago, eng kapa eng e diregago. Yena ka go felela o—o rekišitše ntle ditokelotswalo tša gagwe, tša go ba yo a lokologilego.

216 Gomme ge monna a gana Therešo ya Ebangedi, Sathane o mo swaya (kae?) mo tsebeng ya gagwe. O a mo foafatša gore a se kgone go kwa Therešo gape, gomme o fedile. O dula le sehlopha se a nago le sona, ge a sa kwe Therešo. Aowa.

217 “Le tla tseba Therešo, gomme Therešo e tla le lokolla.” Le a bona, Therešo e a lokolla.

218 Modimo o swaya ba Gagwe ge ba etla. Modimo o swaya ba Gagwe ka go hlatsela Lentšu la Gagwe le le tshephišitšwego ka bona. Seo ke tlwa, Mokgethwa Johane 14:12. Gomme selo se sengwe, le nyaka go se ngwala fase, Mareka 16. Jesu o rile, “Maswao a a tla latela bona ba ba dumelago.”

219 Bjale a re nong go tšea seo, motsotso. A O be a dira metlae? [Phuthego e re, “Aowa.”—Mor.] A O be a no ra. . . A O be a no ra baapostola, bjalo ka ge ba bangwe ba tla re botša? [“Aowa.”]

220 Šetšang. Balang bokamorago bja yona. “Eyang ka go. . .” Kae? [Phuthego e re, “Lefase lohle.”—Mor.] “Lefase lohle.” “Rerang. . . Ebangedi ye go. . .” Eng? [“Sebopša se sengwe le se sengwe.”] “Sebopša se sengwe le se sengwe.” Ebile ga se e be tee tharong ya tsela e kopane le yona le bjale. “Maswao a a tla latela ka go lefase lohle, go sebopša se sengwe le se sengwe, kae kapa kae Ebangedi ye e rerwago. Maswao a a tla latela bona bao ba dumelago,” e sego feela go le tee le lennyane la go tlala seatla.

221 Boka moisa nako ye nngwe a mpotša, “Modimo o file feela baapostola ba lesomepedi dimpho tša phodišo. Gomme. . .” Oo! Kafao, bontši bja baena ba be ba dutše mo ge a emetše godimo go bolela seo, le a bona. O bile go lekanela ga yona, mo metsotsong e se mekae.

222 Kafao bjale hlokomelang, “Lefase lohle, go sebopiwa se sengwe le se sengwe, maswao a a tla latela.”

223 Le se ke la tšea leswao la Sathane la go se dumele. Bjale, o tla le bea godimo ga lena bošegong bjo, ge a ka kgona go e dira. O tla go šunyetša godimo go ithekga ka leboto, gomme o tla sepelela ntle gomme wa re, “Ga ke tsebe ka seo.”

224 O ya gae gomme wa ithuta Lona, gomme gona hlokofala, gomme o rapele. Ka gore, se sengwe le se sengwe se kudu—se Lengwalong ka go phethagala kudu ka go yona iri ye, iri ye kgethwa ye ka nako. E bile lebaka la mengwaga, e netefadišwe, e tla thwi godimo go yona. Gomme ye ke iri. Ye ke nako.

225 Gomme bjale le se mo dumelele go šunya seo ka tsebeng ya lena, leswao la gagwe la gosedumele. Le a bona? Ka gore, o be a le mosedumele, sa mathomo. O Le belaetše. Go lokile. Oo, ebile le se dumelele. . . Le se mo dumelele go tšea Lengwalo, ka bohlale bja gagwe, le—le go Le phetla le go Le aroša ka bohlale bja gagwe mong, ka go maatla a go fa mabaka. O no kokobela, le go re, “Modimo o boletše bjalo, gomme seo ke sohle se lego go yona.” Bjale, oo, a re. . .

226 Re ya go ba thari kudu, kafao bokaone re eme thwi fa gomme—gomme re thomiše.

227 Bjale a re yeng go Lehuto la Bobedi. Ge ye e bolailwego, Kwana e tsogilego e butše le, gomme sa bobedi, Sebata sa go swana le namane, se rile, “Etla, bona se sephiri sa Lehuto se lego.” Le a bona? Bjale re a e hwetša. Kwana, elelwang, e swanetše go bula Lehuto le lengwe le le lengwe. Gomme Sebata sa bobedi. . .

228 Ge le e hlokometše, ka go modirelo wa moo re sa tšo go kgabola, ka mabaka a kereke, selo sa go swana. Sa bobedi. . . Sa pele e be e le tau; sa go latela e be e le—e be e le. . . e be e le boka namane, goba pholo, goba se sengwe, le a bona.

229 Gomme Sebata se se rile, “Etla, o bone,” bjale, gomme ge Kwana e butše Lehuto. Gomme, ka gona, a ya go bona. Gomme ge a sepeletše ka gare, go diregile eng? A re boneng se a se hweditšego bjale. “Etla, o bone.” Go ne sephiri se bofilwe fa, seo se bilego fa bjale lebaka la mengwaga ye dikete tše pedi, e ka ba. A re boneng se se lego.

230 Bjale re hwetša fa gore o bone (eng?) pere ye khubedu e ile pele. Bjale, go kwešišo ya ka ye, go kwešišo ya ka, tšhoša ye kgolo ye yeo a bilego le yona ka seatleng sa gagwe. . . Bjale re na le e ka ba dilo tše tharo go di lebelela bjale, lebaka la e ka ba ye lesometlhano ya go latela, metsotso ye masomepedi. A re nong go bala le go bona se A se bolelago mo. “Gomme fao go ile ntle. . .” Temana ya 4.

. . . *fao go tšwele pere ye nngwe e bego e le ye khubedu, (ya pele ke ye tšhwu): gomme o filwe maatla go yena yoo a dutšego godimo go tšea khutšo go tloga lefaseng, . . . gore ba swanetše go bolayana seng: gomme go be filwe go yena tšhoša ye kgolo.*

231 Bjale go na le dika fa, gomme re nyaka go di lebelela kgauswi ka kgonthe. Eupša, go kwešišo ya ka, bokaonekaone bjo ke bo tsebago bjale, le a bona, Jesu o akanyeditšepele selo sa go swana ka go Mateo 24. Le a bona? O rile, “Bjale le ya go kwa dintwa le mabarebare a dintwa, gomme feela dintwa le mabarebare a dintwa, le dintwa. Gomme, eupša,” o rile, “tše tšohle ga se tša be tša ba gona. Le a bona, nako ga se ya be ya ba gona.” Le a bona, ba botšišitše Jesu dipotšišo tše tharo. Le a bona? Gomme O ba arabile ka dipotšišo tše tharo.

232 Fao ke mo bontši bja baena ba rena ba tanngwago, ba leka go bea. . . Baena ba Maadventist, e ka ba ao, letšatši la bošupa le go ya pele, morago kua, ba. . . “Madimabe go yena yoo a belegago ngwana, yoo a amušago, gomme dikgoro di tla tswalelwa mo letšatšing la sabatha,” le dilo boka tše. Nna! Ebile ga e amane le potšišo le gatee, le a bona, le gatee. Le a bona?

233 O be a araba se ba se botšišitšego, eupša O be a sa—O be a sa—a sa se diriše sohle go matšatši a mafelelo. O rile, “Le tla

kwa . . .” Bjale re šoma go selo se tee se mo. Re tla tla go bontši bja yona, mo mašegong a se makae. Lebelelang. O rile, “Le tla kwa dintwa, le mabarebare a dintwa, le go ya pele. Gona sohle se ga se . . . Le a bona, gona ba tla—ba tla ya morago gape, gona ba tla le gafa, le go ya pele ka mokgwa wo. Gomme bohle, bohle ba se šogo ba loka.”

234 Eupša ge A fihlile go nako ge A be a eya go bolela le bona ka ga se ba Mmotšišitšego ka sona, “bofelo bja lefase.”

235 “Dilo tše tšohle di tla ba neng, ke neng go ka se bego letlapa le tee le tlogetšwego godimo? Leswao e tla ba eng? Gomme bo tla be bo etla neng, bofelo bja lefase?” Le a bona, ba Mmotšišitše dilo tše tharo.

Ka gona ge A fihla fase go, “Bofelo bja lefase?”

236 O rile, “Ge le bona mohlare wa mogo o khukhuša, bjale le a tseba gore nako e mo mojako. Gomme ruri Ke re go lena, gore, moloko wo o ka se fete go fihla tšohle di phethagaditšwe.” Ka fao mohlokamodimo, ntle le tlhathollo, a ratago go robala godimo ga seo! Le a bona? O rile, “Moloko wo,” e sego moloko wo A bego a bolela le wona, “moloko wo o bonego mohlare wa mogo o khukhuša.”

237 Bjale ke no nyaka go le botšiša se sengwe. Go no—go no lebelela se sengwe thwi fa mo sefahlegong. Israele bjale e, lekga la mathomo lebaka la mengwaga ye makgolo a masomepeditlhano, setšhaba. Folaga ya kgalekgale lefaseng e fofela godimo ga Jerusalema bošegong bjo. Israele e ka go nagalegae ya yona.

238 Go bile le ngwanešu fa nako ye nngwe o nyakile go ba moromiwa, o ikwetše go ya go boromiwa go Bajuda. Ke rile, “Le ka hwetša o tee bjale le nako yeo.” Oo, batho ba nagana, setšhaba ka moka! Aowa, mohlompegi.

239 Israele e sokologile bjalo ka setšhaba, e sego bjalo ka motho. “Setšhaba se tla tswalwa ka letšatši.” Yeo ke Israele. “Israele yohle e phološitšwe.” E no elelwang seo. Paulo o boletše bjalo, “Israele yohle e phološitšwe.” Bjale hlokomelang, “Israele yohle.” Yeo ke nnete tlwa.

240 Bjale hlokomelang se. “Eupša,” O rile, “ge le bona mohlare wa mogo, le mehlare ye mengwe yohle, e khukhuša.” Bjale šetšang. Ga se nke gwa ke gwa ba nako, lebaka la mengwaga ye makgolo a masomepedi tlhano, yeo Israele e kilego ya tla go nagalegae ya yona. Re na le pontšho ye nnyane, ya *Metsotso Ye Meraro Go Ya Bošegogare*, le a tseba. Sole fale, setšhaba, naledi ya dintlha tše tshela ya Dafida, e a phaphasela, le dilo tše tšohle.

241 A go kile gwa ba nako yeo dikerekemaina di bilego le ditsošetšo boka di bile ka go mengwaga e se mekae ya go feta? Bjale e no ithutang yona. Re gae.

242 Ke neng mo dikerekemaina di kilego tša tsupologa ka tlase ga bodiredi bja monna yo itšego, go swana le ge e na le bja Billy Graham; Mamethodist, Mabaptist, le go ya pele? Ke neng fao go kilego gwa ba monna, puruputšang go theoga histori ya lena, yo a kilego a ya pele kerekeng ye fomale, ka leina le felelago ka h-a-m, pele? Go no le botšiša. A-b-e. . .

243 A-b-r-a-h-a-m. Bjale lebelelang, leina la Abraham le na le mangwalo a šupa, A-b-r-a-h-a-m.

244 Eupša Ngwanešu wa rena Billy Graham, o na le G-r-a-h-a-m, tshela, e sego šupa. Lefase, ke moo a hlankelago, kereke ya tlhago.

245 Kereke ya tlhago, e be e le Loto, ka Sodoma. Gomme ge moisa yo a ile tlase kua gomme a rera, gomme o ba fougaditše ka Ebangedi.

246 Eupša fao go bile yo Motee Yo a go šala le Abraham, gomme Abraham a Mmitša, "Elohim, Morena." Bjale ge Abraham a bone ba bararo ba etla, o rile, "Morena wa Ka."

247 Ge Loto a bone ba babedi ba etla, o rile, "Barena ba ka." Šeo phapano ya gago. Le bona mošomo wa gago wa bothrinithi? Le a bona?

248 Jesu o rile, "Bjalo ka ge go bile ka matšatšing a Loto." Le bona seo? Hlokomelang. E baleng.

249 Bjale, fao go bile yo Motee a tlilego go Kereke ya semoya, Monyalwa, Abraham, yo a bego a se ka—ka Sodoma, sa mathomo. Gomme šetšang se A se dirilego. Ga se nke A ke a dira thero boka ba dirile. O ba rutila, eupša nako yeo ba ba dirile leswao pele ga bona. O dirile leswao la Bomesia. O bile le mokokotlo wa Gagwe o furaletše tente, gomme O rile, "Abraham." Bjale elerwang, leina la gagwe la kgonthe, matšatši a se makae pele ga fao, e be e le Abram. Eupša O re, "Abraham, mosadimogatša wa gago o kae, S-a-r-a-h?" Matšatši a se makae pele ga fao, o be a bitšwa S-a-r-r-a.

Abraham o rile, "O ka tenteng, ka morago ga Gago."

250 Gomme O rile, "Abraham, Nna. . ." Šealo lešašala la lena gape. "Ke ya go go etela go ya ka tshepišo ye Ke go diretšego." Le bona se e bego e le sona. Le a bona? Monna, ka lerole diaparong tša Gagwe, a eja nama ya namane, le go nwa maswi go tšwa kgomong, le go ja borotho bja lehea. Ee, mohlomphegi. Modimo, Elohim, o bonagaditšwe nameng!

251 O tshepišitše, ka matšatšing a mafelelo, go iponagatša ka Boyena ka nameng gape! Hlokomelang.

"Abraham, mosadimogatša wa gago o kae, Sarah?"

"O ka tenteng, ka morago ga Gago."

O rile, "Ke ya go go etela."

252 Gomme mohumagadi, go le bjalo, a le mengwaga ye lekgolo ka bogolo, o ile a no segela matsogong a hempe ya gagwe; morago ka tenteng bjale, ka morago ga digaretene ka tenteng. O rile, “Nna, mokgekolo.” Gabotse, go be go fedile go ba le bona, bjalo ka monna le mosadi, lebaka la mengwaga, le a tseba, ka gore o be a le mengwaga ye lekgolo ka bogolo, gomme—gomme—gomme o be a le masomesenyane. A re, “Seo se ka se tsoge sa direga.”

253 Gomme O rile, “Gobaneng a segile?” Fše! Ka mokokotlo wa Gagwe o furaletše tente, “Gobaneng a segile, a re, ‘Dilo tše di kgonega go ba bjang?’” Le a bona, O mmontšhitše leswao.

254 Bjale O tshepiša gore se se tla bušeletša nakong ya bofelo, gape.

255 Gomme banna ba babedi ba ile tlase kua gomme ba rerile Lentšu, gomme ba ba boditše go tšwela ka ntle ga fao; lefelo le be le eya go swa, le go ya pele. Gomme le dirile. Gomme Loto o thekeseletše ntle; kereke ya tlhago, tlase sebeng, le ka lerageng, eupša go le bjalo ba katana mmogo ka go mananeo a bona a mokgatlo. Eupša Monyalwa . . .

256 Monna yo motee yola ga se a ke a tsoge a ya go bona. O ile feela le go bitša mohuta wa Monyalwa. Bjale re ka matsatšing a mafelelo. Le a bona? Bjale hlokomelang.

“O boletše kua, ‘Modimo, o bonagaditšwe ka nameng?’”

257 Jesu o rile, Yenamong, “Le Nkahlola bjang?” O rile, “A ga se gwa ngwalwa ka Beibeleng ya lena, melao ya lena, gore bona, baprofeta, bao Lentšu la Modimo le tlilego go bona . . .” Jesu o rile, “Lentšu le tlile go baprofeta,” gobane O be a le Lengwalong ka dilo tšohle. O rile, “Bjale, Lentšu la Modimo le bolela, gore, ‘Lentšu le tlile go baprofeta.’ Gomme le ba biditše ‘badimo,’ ka gore Lentšu la Modimo le tlile go bona.” O rile, “Gona le ya go Nkahlola bjang ge Ke re Ke nna Morwa wa Modimo?” Ka molao wa bona beng, O ba rokile. Ke lena bao. Le a bona?

258 Bjale re mo kae? Re mo nakong ya bofelo. Bjale theetšang sekgauswi ka kgonthe bjale.

259 Bjale re hwetša gore go tla ba le dintwa le mabarebare a dintwa. Gomme bjale re bona gore mohlare wa mogo o khukhušitše mahlogedi a wona. Gomme mehlare ye mengwe e hloga mahlogedi a yona. Mamethodist, Mabaptist, Mapresbyterian, le bohle, ba tšweletša mahlogedi a bona, tsošeletšo ye kgolo e a kgatlampana.

260 Bjale ke a dumela gore Modimo o kgobela Monyalwa wa iri yeo ya mafelelo, Bakgethiwa. Oo, nna! Bjale hlokomelang.

261 Bjale a re tšeeng se Johane a se bonego, gona, sa dilo tše se a se bonego. “Pere ye khubedu; gomme monamedi wa gagwe o ya pele, maatla a filwego go yena go bolaya ka tšhoša ye kgolo.” Bjale kutollo ya ka še ya yona. Yo ke Sathane, gape. Ke diabololo, gape, ka sebopego se sengwe. Bjale, re a tseba gore—

gore Mahuto a a lebagane le. . . bjalo ka ge ke boletše bošego bjo bongwe. Gomme diphalafala di be di lebagane le—le—le—le dintwa tša bana ba thari, le a bona, magareng ga batho, magareng ga ditšhaba. Eupša le hwetša, fa, gore monna yo o ne tšhoša, kafao o lebagane le kereke, ntwā ya sepolitiki. Bjale le ka no se nagane seo, eupša e nong go e šetša motsotso, feela metsotso e se mekae.

²⁶² Hlokomelang phetogo ya mmala wa dipere tše. Monamedi wa go swana; phetogo ya mmala wa dipere. Gomme pere ke sebatla. Gomme sebatla, ka Beibeleng, ka tlase ga seka, se emela maatla. Tshepedišo ya go swana e nametše godimo ga mmala wo mongwe, maatla, go tšwa go bošweu bja go hloka molato go ya go bohubeu bja madi. Le a bona? Mo šetšeng bjale, ka fao a tlogo.

²⁶³ Ge la mathomo a thoma, o be a no ba, gabotse, o be a no ba thuto ye nnyane ka—ka, magareng, e bitšwago Bonikolaite. Nnete, e ka se bolaye e ka ba eng. Yeo ke Kutollo 2:6, ge le nyaka go e ngwala fase. A ka se bolaye e ka ba eng. E no ba thuto, feela moya magareng ga batho. Bjale, a ka se bolaye selo. Oo, o be a se ne molato kudu, a nametše pere ye tšhweu ye. “Gabotse, le a tseba, re ka kgona go ba le kereke ye kgolo ya lefase ka bophara. Re ka kgona go e bitša kereke ya lefasetšekelele.” Ba sa dira. Go lokile. Le a bona? Bjale, “Re ka kgona go ba. . .” Oo, ke go hloka molato ka go phethagala. Gomme, oo, ke go hloka molato kudu. “E no ba sehlopha sa banna. Bohle re tla tla mmogo bakeng sa kopanelo.” Le a bona, ga se ya hloka molato kudu; ke ye tšhweu, pere ye tšhweu e be e le. Le a bona?

²⁶⁴ Bjale, kafao bahlomphegi, le ba go apara bokaone, le dirutegi, le a tseba, mohuta wa boka dinonyana tša lefopa, le a tseba, “Re tla—re tla ba mohuta wa go tliša dilo mmogo. Gomme sehlopha sela sa go šokiša, gobaneng, ge ba nyaka go thetšwa go bapa, gabotse, go lokile, eupša re—re—re tla hwetša legoro le lekaone go tlang kerekeng ya rena. Ge re ka no kgona go itira renabeng go ngangela ntle mo, re tla—re tla ba—re tla ba sehlopha sa baMason, goba go ya pele, le a tseba. Re tla—re tla no ba le dilo di lokišitšwe, goba, Baisa ba go Maarogi,” bjalo ka ge ba le. Gomme kafao gona. . . E sego Lotše Ya Moisa Wa Learogi bjale, eupša le tseba se ke se rago. Kafao, ke learogi go modumedi wa kgonthe. Bjale, eupša, go sego bjalo, ka mantšu a mangwe, “Re nyaka sehlopha se sennyane, segongwana se sennyane re ka kgonago go sebitša sa rena beng.” E no ba thuto, ya go hloka molato kudu. “Baena, gobaneng, ga re na selo kgahlanong le lena batho, ka kgonthe aowa. Le lokile, eupša, le a tseba, re ikwela gore—gore re ne taba le se sengwe le se sengwe. . . Re, re tla ba kaone ge re ka be re sa no ba le renabeng mmogo.” Le a bona? Mafelelong e ile thwi pele go theoga go fihla e direga, ee, mohlomphegi, go tla mmogo.

²⁶⁵ Eupša ge wo wa go šiiša, moya wa go fora (oo, monna!) o apare nama, ka go moya o aperego nama; thuto ye ya moya e

bile go apara nama, go tšea legato la Kriste, ka go motho. O swanetše go rapelwa, gona, go retologela go ba borapedi boka Kriste. Ka mantšu a mangwe, godimo ka godimo ga Vatican . . . Ke be ke le thwi fao. Go ngwadilwe, “VICARIVS FILII DEI,” gomme go ngwadilwe ka dinomoro tša Roma. Bjale, o no thala mothalo ka fase ga dipalo tše tša Roma. Gomme go ra gore, “Legatong la Morwa wa Modimo.” Yena, ka mantšu a mangwe, ke moemalegatong. Le tseba se moemalegatong e lego; go no tšea lefelo la se sengwe. Ke moemalegatong, “Legatong la Morwa wa Modimo.”

²⁶⁶ Gomme Beibele e rile, “A nke yo a nago mpho ya bohlale a bale dinomoro tša sebata, gobane ke palo ya motho. Gomme palo ya gagwe ke makgolotshela le masometshelatshela.” Bjale, le tšea VICARIVS FILII DEI, gomme le thale mothalo, ka dinomoro tša Roma; “V” bakeng sa tše tlhano, gomme “I” bakeng sa tee. . . Gomme e hlakanye gomme o bone ge o se na le makgolotshela le masometshelatshela.

²⁶⁷ Beibele e rile, “O tla be a dutše ka tempeleng ya Modimo, a rapelwa boka Modimo.” Ge thuto yela ye nnyane e eba go apara nama, e bile moemalegato, “Legatong la Morwa wa Modimo.” Le a bona? Oo, nna! Wola wa go befa, wa go fora moya! Ge le nyaka go bala yeo, balang ka go Bathesalonika ba Bobedi 2:3, gomme le ka bona moo e lego.

²⁶⁸ Gomme, ka nnete, le tla elelwa Sathane ke hlogo ya maatla ohle a sepolitiki, go setšhaba se sengwe le se sengwe. Ke ba bakae ba tsebago seo? Le nyaka go e ngwala? Mateo 4:8, “Sathane o tšeeš Jesu godimo go thaba ya godimo, gomme o Mmontšhitše mebušo yohle ya lefase, yeo e kilego ya ba goba e ka tsogego ya ba, mo nakwaneng ya nako.” Bolela ka motho! O rile, “Ke tla go fa yona, ge o ka nthapela.” Gomme Jesu o tsebile gore O be a eya go ba mojabohwa wa yona.

²⁶⁹ Seo ke se ba se bolelago, “Gobaneng, lena sehlopha sa bapshikologibakgethwa ba go šokiša!”

²⁷⁰ Gobaneng, re hwetša lefase! “Ba boleta ba tla tšea lefase ya ba kabelo.” Seo ke se Jesu a se boletšego. Le a bona? Le a bona?

²⁷¹ Hlokomelang, Jesu o tsebile O tla ba mojabohwa wa lona, kafa o rile, “Tloga mo, Sathane. Go ngwadilwe,” thwi morago le Lengwalo gape, le a bona, “Wena o tla rapela Morena, gomme Yena a nnoši.” Le a bona?

²⁷² Bjale—bjale ge—ge yena, bjalo ka hlogo e le letimone, a apere nama ka go wa godimodimo, monna wa bodumedi, bjalo ka ge Beibele e akanyeditšepete, gona o kopanya kereke le mmušo wa gagwe. Bobedi bja maatla a gagwe mong a kopana mmogo. Le a bona?

²⁷³ Ge moya wa molwalekriste o ile pele, e be e le moya. Gona e bile eng? E bile nako yeo. . . Bjale šetšang Lehuto le. Ge moya o ile pele, e be e le molwalekriste, kgahlanong le thuto ya Kriste.

Go lokile. Selo sa go latela se dirile. . . Se Kriste a se beetšego Kereke ya Gagwe ntle go se dira, E be e le kgahlanong le sebe. “Oo, ga Le re seo. Lona ga le se re. Leo e be e le sa yo mongwe gape. Leo, leo ke morago ka go mengwaga ye lekgolo ya go feta, morago mošola. Leo, leo ga se la rena.” Le a bona? Seo, le a bona, *molwa*, “kgahlanong.” Ka gona ya ba. . .

274 Bjale, monamedi o ile ntle, o—o be a se ne mphaphahlogo, eupša o filwe o tee. Pere yela ye tšhweu; o be a ne bora, ga go mesebe. Le a bona? Kafao nako yeo ge a ile pele. . .

275 Ka gona, ka morago ga lebakana, o ile a fiwa mphaphahlogo, ka baka la gore o ka se kgone go bea mphaphahlogo godimo ga hlogo ya moya. Eupša, ge, moya wo o etla go apara nama ka go modiro wa bobedi wa la gagwe—la gagwe lebaka la sephiri, mošomo wa bobedi, o bile rwešitšwe mphaphahlogo, moprofeta wa maaka, go modiro wa molwalekriste. Bjale, re mmona kua, bjale. Bjale o ba seo, ge a tšea seo. Gona, gona o, šetše, Sathane o laola maatla a dipolitiki tša lefase.

276 Bjale o tsena ka lefelong go fihla a eya go dira maatla a kereke tšekelele, a tšea maatla a bodumedi. Gomme a ga le kwešiše, banešu ba ka, gore ka go. . . Ge, setšhaba se se tšwelela ka go tema ya 13 ya Kutollo, phoofolo ye nnyane ye e phagamile boka kwana. Gomme e na le dinaka tše pedi, maatla a bosetšhaba le a bokereke, eupša o dirile selo se se swanago se sebata se se dirilego pele ga gagwe.

277 Go a tla, Amerika ke nomoro ya lesometharo, gomme ke mosadi. Go a tla, go tšwelela ebile ka go tema ya 13 ya Kutollo. Re thomile ka merapapitsi ye lesometharo ka go folaga, dinaledi tše lesometharo. Se sengwe le se sengwe ke “lesometharo, lesometharo, lesometharo, lesometharo,” tsela yohle go theoga. Se sengwe le se sengwe ke “mosadi, mosadi, mosadi,” tsela yohle go theoga.

278 Gomme mafelelong e tla felela, (ke e akanyetšapele), mosadi o tla mo laola. Elelwang, yeo e bile mengwaga ye masometharo ya go feta, ke e boletše. Gomme—gomme di—di dilo tše šupago tšeo ke di boleletšegopele, tše tlhano tša tšona di šetše di phethagetše. Gomme ba na le monna thwi fao bjale go mo tliša ka gare. Gomme le e boutela ka gare, ka dipolitiki tša lena fao. Ya. Huh! Go lokile.

279 Bontši go ka bolelwa, go se kgonege go fihla moo o nyakago go ya. Hlokomelang bjale. Nka se le swarelele eupša boteletšana gannyane, ge eba ke swanetše go rwala go lepelela gosasa bošego.

280 Lebelelang. Hlokomelang. Ge Sathane. . . Bjale, yo mongwe le yo mongwe, seo, o a lemoga gore Sathane o laola maatla maatla a sepolitiki a lefase. O boletše bjalo. Mateo tema ya 4, le a e hwetša, gomme temana ya 8. Mebušo yohle ke ya gagwe. Ke ka lebaka leo ba lwaga, ntwana, ba a bolaya. Bjale elelwang.

281 A seo ga se tlabe? Ba filwe tšhoša ye, go bolayana seng. Oo, oo, oo, nna! Hlokomelang bjale.

282 Bjale, ge a dirile seo, o be a se na le maatla a kereke nako yeo. Eupša o thomile ka gare ka letimone la thuto ya maaka. Gomme thuto yeo ya ba thuto. Thuto yeo ya tla ya tsena ka nameng ka go moprofeta wa maaka.

283 Gomme ka gona o ile feela lefelong la maleba. Ga se a ke a ya go Israele, bjale. O ile go Roma; Nicaea, Roma.

284 Khansele e be e swerwe, gomme ba kgethilea pišopo hlogo. Gomme ka gona, ka go dira se, ba kopantše kereke le mmušo mmogo. Ka gona, a lahla bora bja gagwe. A fologa pere ya gagwe ye tšhweu. O nametše pere ya gagwe ye khubedu, gobane a ka bolaya mang kapa mang yoo a sa dumelelanego le yena. Lehuto la lena šeleo. Moisa wa go swana! Mo šetšeng a otlela go ya pele ka go Bokagosafelego mošola, le yona, le a bona, a kopanya bobedi maatla a gagwe mmogo.

285 Selo sa go swana ba lekago go se dira gonabjale, selo sa go swana, lehono. Gomme selo sa go tlaba, mohlomongwe ga le e kwešiše. Eupša, lehono, go tšwa go sehlopha sa Baptist ka Louisville. . . Le e kwele mo seyalemoyeng. Seboledi se phagametše godimo le. . . Ke ba bakae ba e kwelego? Nnete. Le a bona? Go lokile, ke lena ba. Ba nyaka, le go kgopela ka kerekeng bjale, gore, “Ga ra swanela ka kgonthe go, oo, feela mohuta wa go tšoeni kereke ya Katoliki, eupša re swanetše go ba mohuta wa kopanelo le bona.” Hwetša. . . Gomme, nako ya go swana yeo e kगतलपाना ka Louisville, godimo mo Modimo o tatolla Mahuto go batho ba Gagwe, go e laetša, “O se ke wa e dira!” Le a bona bobedi di šoma mmogo? Elelwang, legokubu le leeba di dutše godimo ga kota ya go swana ya sehloga, ka arekeng. Nnete. E nong go elelwa.

286 Bjale re hwetša, o kopanya maatla a gagwe, gona, ge a eba bobedi mmušo le kereke, bokereke. Gona o ya go dira eng? O dira bodumedi bja gagwe mong. Gomme bjale a ka kgona go dira e ka ba eng a e nyakago. Gona, o ne tokelo go bolaya mang kapa mang a ka se dumelelanego le yena. Seo ke tlwa se a se dirilego, le yena. Gomme o dirile seo feela tlwa. Gomme se a—a. . . O se dirile go bakgethwa ba therešo ba Modimo yo a phelago, ba ba bolokilego Lentšu gomme ba se dumelelane le yena go dithutotaelo tša gagwe. O ba bolaile.

287 Bjale, Ngwanešu Lee Vayle, le lena barutiši mo ba lebaka la Nicaea le kereke ya pelepele, Ga ke tsebe ge eba le bala ye goba aowa. Ge le nyaka go e bala, le tsena ka go *Mpshafatšo ya Letago* ya Schmucker.

288 Gomme le a e hwetša, gore, ge Mokgethwa Augustine wa Hippo a eba moprista ka tlase ga kereke ya Roma, o bile le monyetla, go fihla nako ye nngwe Moya wo Mokgethwa o lekile go tla godimo ga gagwe, gomme o O ganne. Ke ba bakae

ba tsebago seo, bjalo ka morutiši? Kafao, o ganne Moya wo Mokgethwa. Seo ke tšwa se, sekai sa kereke ya Protestant lehono, yeo e gannego Moya wo Mokgethwa. O ile morago tlase Hippo, gomme o be a le yena yoo a saennego yeo, pampiri yela e bilego le yona, “Kutollo go tšwa go Modimo, gore go be go lokile le go thabiša Modimo, go bolaya motho yo mongwe le yo mongwe yoo a sa dumelego le kereke ya Katoliki ya Roma.”

²⁸⁹ Bjale theetsang. Ke tsopola go tšwa go bohwelatumelo, “Go tloga nakong ya—ya Mokgethwa Augustine wa Hippo, go fihla 1586,” go bohwelatumelo bja Roma, “kereke ya Katoliki ya Roma e bolaile Maprotestant a milione tše masometshela seswai.” A tšhoša ya gagwe e be e le ye khubedu? A o be a nametše pere ye khubedu? E be e le eng? Maatla a go swana; monamedi wa go swana. Lehuto šeleo. Ba a amogela, “dimilione tše masometshela,” go bohwelatumelo, ntle le bohle ba bolailwego ka ntle ga bao. Oo, kgaogelo! Nakong ya mabaka a leswiswi, go bile dimilione di neetšwego ditau, le go bolawa ka tsela ye nngwe le ye nngwe, ka gore ba be ba ka se khunamele thutotaelo yela ya Katoliki. Le tseba seo.

²⁹⁰ Ke nako ye kae le nago le yona? [Phuthego e re, “Nako ye ntši. Bošego bjohle.”—Mor.] Go lokile. A nke ke bale se sengwe. Phetlang le nna bjale, a nke ke le bontšheng se sengwe. A re— a re swantšheng selo se, motsotso feela. Go nno direga go tla monaganong wa ka, gomme re tla no e bala. A re phetleng godimo ka go Kutollo, go tema ya 17 ya Kutollo. Re sa ne metsotso ye lesometlhano e šetšego. Go lokile. Bjale theetsang ka kgonthe, kgauswi ka kgonthe bjale, ge re bala. Lena ba le nago Dibeibele tša lena phuthullang, ke ya go le fa feela nako ye nnyane, gore le e hwetše.

²⁹¹ A o hweditše yeo, Lee? Ka go ya Schmucker ke moo ke e hweditšego, le a bona, *Mpshafatšo ya Letago*, yeo e tšerwe thwi go tšwa go bohwelatumelo bja Roma, ka Vatican.

²⁹² Bjale, seo se be se le tlase go tšaišo ya batho ba Mokgethwa Patrick. Gomme ka gona ba bitša Mokgethwa Patrick mokgethwa wa bona—wa bona. Huh! Mokgethwa Patrick o be a le e ka ba Mokatoliki bontši bjalo ka ge ke le; gomme le tseba ke bontši gakaakang. Le a bona? O—o hloile thuto ya kereke. O ganne go ya go mopapa. Ee, mohlomphegi. Mokgethwa Patrick ebile . . . Gobaneng, lena, a le kile la ya godimo ka Leboa la Ireland, moo a bilego le dikolo tša gagwe? Le a tseba, leina la gagwe e be e se Patrick. Ke ba bakae ba tsebago seo? Leina la gagwe e be e le Sucat. Yeo ke nnete. O lahlegetšwe ke kgaetšedi wa gagwe yo monnyane. Le elelwa ge ba . . . Le a bona? Go lokile.

²⁹³ Bjale hlokomelang, tema ya 17 ya Kutollo. Bjale yo mongwe le yo mongwe e no leka go bula pelo ya gago. A nke Moya wo Mokgethwa o go rute bjale.

*. . .fao go tlile go nna yo motee wa barongwa ba šupa
ba ba bego ba na le—le meruswi ye šupa, . . .*

294 Bjale, le a bona, go na le Meruswi ye Šupago. Le a tseba, tše šupa tše, ge re eya go kgabola, tšohle di direga thwi ka nako ya go swana; go latela Dikotlo, go latela mabaka a kereke, feela go swana, gobane yohle e tswaleletšwe ka go Puku e tee yela, se sengwe le se sengwe. Gomme se sengwe le se sengwe se direga feela go dikologa; se tee se ya thwi ka go se sengwe, le se sengwe, le se sengwe. Go ne meboya ye mebedi e šomago; Modimo, le diabololo. Le a bona?

*. . .yo a bilego le meruswi ye e šupago ya mafelelo,
gomme o boletše le nna, a re . . . Etle mo; gomme ke tla
go laetša . . .go wena kahlolo ya seotswa se segolo se se
dutšego godimo ga meetse a mantši:*

295 Bjale lebelelang fa, godimo fa, gore, “meetse.”

296 “Seotswa,” ke eng seo? Yoo ke mosadi. E ka se be monna. Gomme mosadi o swantšha eng ka kerekeng, ka Beibeleng? Kereke. Gobaneng? Swantalwa wa Kriste, le go ya pele; le a bona, ke mosadi, kereke.

297 Bjale, “meetse,” seo se ra go reng? Šetšang fa. Balang temana ya 15 ya yona fale.

*Gomme o rile go nna, Meetse a o a bonego, moo
seotswa se dutšego, ke batho, . . . mašaba, . . . ditšhaba, le
maleme.*

298 Kereke ye e be e buša godimo ga lefase ka moka, le a bona, “E dutše godimo ga meetse a mantši.”

*Yo dikgoši tša lefase di dirilego bohlotlolo, mabohlotlo
a semoya (a tšea thuto ya gagwe, thuto ya Banikolaite),
gomme baagi ba lefase ba dirilwe go tagwa ke beine ya
mabohlotlolo a gagwe.*

299 Šaatenana, o bolela ka sehlopha sa botagwa, ka sona! O . . .

*Kafao o nthwaletše kgole ka moyeng go ya ka
lešokeng: gomme ke bone mosadi . . .*

300 Gomme a le be le tseba eng? Mongwalo wa Katoliki mong o a amogela ye ke kereke ya bona. Ke ba bakae ba tsebago seo? Thwi ka mongwalong wa bona beng. Ke ne *Dintlha Tša Tumelo Ya Rena*, e a bitšwa, bjale, le a bona; ke ya moprista. Go lokile. Go lokile.

*Gomme kafao o nthwaletše kgole ka moyeng go ya
ka lešokeng: gomme ke bone mosadi a dutše godimo ga
sebata a aperego moretele, se tletše maina a maroga, se
na le dihlogo tše šupago le dinaka tše lesome.*

301 Bjale e nong go šetša seo, seka sela, gore “dihlogo tše šupago.” Bjale le bona moo E rilego, “Gomme di—gomme di—gomme di. . .Dihlogo tše o di bonego ke dithaba tše di šupago

tšeo mosadi a dutšego godimo ga tšona.” Roma e dula godimo ga dithaba tše šupago. Le a bona? Bjale ga go phošo ka yona, le a bona, “Dihlogo tše šupago.” “Gomme dinaka tše lesome,” le a tseba, ke mebušo ye lesome, le go ya pele.

Gomme mosadi o be a apere moretele...mmala wo mohubedu, . . . a hlobišitšwe ka gauta le matlapa a bohlokwa. . . dipheta, a swere komiki ya gauta ka seatleng sa gagwe e tletše ka makgapha—makgapa a ditšhila tša bootswa bja gagwe:

302 Moya wola wa molwalekriste, “bohlotlolo,” le a bona, “go ruta,” seo se dira bootswa le Modimo. Le a bona? Bjale, o swanetše go ba Monyalwa, le a bona; gomme go dira bootswa. Le a bona? Feela boka Efa a dirile, feela boka kereke e dira fale. Le a bona?

Gomme godimo ga hlogo ya gagwe go be go ngwadilwe, leina le ngwadilwe, SEPHIRI, BABILONIA YO MOGOLO, . . .

303 Gomme yo mongwe le yo mongwe o a tseba, “BABILONIA” ke Roma.

*. . . MMAGO BOMMALEGOGWAN A LE
MAKGAPHA A LEFASE.*

304 Gomme theetšang go temana ya 6.

Gomme ke bone mosadi a tagilwe ka madi a bakgethwa, le ka madi a bahwelatumelo ba Jesu: gomme ge ke mmona, ka makala ka kganyogo ye kgolo.

305 O be a le selo se sebotse kudu, ka difapano le se sengwe le se sengwe godimo ga gagwe! “A ka kgona bjang go ba molato wa go nwa madi a bakgethwa?” E a mo gakantšha. Bjale O ya go mmotša.

Gomme morongwa a re go nna, O makatšwa ke eng? Ke tla go botša sephiri sa mosadi, le . . . sebata se se mo rwelego, . . .

306 Bjale, ye ga se ka tlase ga le tee la Mahuto. Se ke se sengwe gape, le a bona.

Gomme o rile. . . dihlogo tše šupago le dinaka tše lesome.

Sebata . . . wena o se bonego se be se le gona, gomme ga se gona; gomme se tla rotoga go tšwa sekoting sa go hloka bofase (ga se na motheo, mopapa), gomme se tla ya tahlegong: gomme ba ba dulago godimo ga lefase ba tla makala, bao maina a bona a sego a ngwalwa ka go puku ya Kwana ya bophelo, (go ne Bakgethiwa, le a bona), bophelo go tloga motheong wa lefase, . . .

307 Bjang, leina la gago le beilwe neng godimo ga Puku ya Bophelo? Ka tsošeletsong yela o e tsenego? Aowa, mohlomphegi. “Go tloga motheong wa lefase.”

. . . ge ba bone sebata seo se bego se le gona, . . . ga se gona, gomme efela se gona.

308 Le a bona, “sebata,” se tee se tla hwa, se sengwe se tšea lefelo la sona. “O be a le gona; o be a se gona. O be a le gona; o be a se gona. O be a le gona; o be a se gona.” Gomme o tla ya thwi ka tahlegong, ka tsela yeo. Le a bona? Go lokile.

Gomme mo ke—gomme mo ke monagano woo o nago le bohlale.

309 Ke ba bakae ba tsebago go ne dimpho tše senyane tša semoya, gomme ye nngwe wa tšona ke bohlale? Go lokile.

Dihlogo tše šupago ke dithaba tše šupago, tšeo mosadi a dutšego godimo ga tšona.

310 Oo, o tla swanela go ba sefoku ka go felela, sefoa le semuma, go se hwetše seo. Le a bona? Go lokile.

. . . go ne dikgoši tše šupago: tše hlano di wele, gomme e tee e gona (Nero), gomme . . . e tee e tla tla; gomme ge a etla, o swanetše go tšwelapele feela sekgala se sekopana.

311 Le elelwa se a se dirilego. O tšhumile toropokgolo, gomme a e phara godimo ga Bakriste. Gomme o beile mmagwe godimo ga pere ya mohlaremotee gomme a mo kitimiša go kgabola mekgotha. Gomme a tsenatsena, ge Roma e be e sa swa. Go lokile.

Gomme sebata se se bego se le gona, gomme ga se gona, le bile ke wa seswai, . . .

312 Roma ya bohetene, e tlišitšwe ka go Roma ya bomopapa. Ge moya wa molwalekriste o etla ka nameng, gomme wa rwešwa mphaphahlogo, o ile a dirwa kgoši ye e rwešitšwego mphaphahlogo ya Roma, bobedi ka mmušong le kereke, mmogo. Oo, ngwanešu! Le a bona, e nno tlala ka yona. Le a bona?

. . . ke . . . ya bošupa, gomme o a ya . . . (O tšea botelele bjo bokae? Ga di tsoge tša fetola tshepedišo). . . go ya tahlegong.

. . . dinaka tše lesome tše o di bonego ke magoši a lesome, ao a sego a amogela mebušo ya dikgoši gabjale; eupša a amogela maatla bjalo ka magoši iri e tee le sebata.

313 Bao ke babušanoši, le a bona, ka nnete. “Ba ba na le monagano o tee.” Bjale, lebelelang fa. Gomme ba bolela ka bokomonisi. Le a bona?

Ba ba na le monagano o motee, gomme ba tla neela maatla a bona le maatla go sebata.

Ba ba tla dira ntwala le Kwana, gomme Kwana e tla ba fenywa: gobane ke Morena wa morena, le Kgoši ya dikgoši: gomme bao ba nago le yena ba bitšwa, . . . bakgethiwa, le babotegi.

Gomme o rile go nna, Meetse a o a bonego, moo seotswa se dutšego, ke batho, . . . mašabašaba, . . . ditšhaba, le maleme.

. . . dinaka tše lesome tše o di bonego godimo ga sebata, tše di tla hloya seotswa, gomme kgwerano yela e robegile. . . (Ke boletše ka yona bošego bja go feta.) . . . gomme di tla mo dira tšhwalalanyo le go hlobola, gomme di tla ja nama ya gagwe, le go mo tšhuma ka mollo.

³¹⁴ A ga le tsebe Beibele e boletše gore bengdikepe, le se sengwe le se sengwe gape, e rile, “Mmalo, mmalo, toropokgolo yela ye kgolo! Ka fao e kopanego le tshenyego ya yona ka go iri e tee!” Le a bona?

Ka gore Modimo o beile ka dipelong tša bona go phethagatšwa thato ya gagwe, le go kwana, le go fa mebušo ya bona godimo ga sebata, go fihla lentšu la Modimo le tla phethagatšwa.

. . . mosadi yo o mmonego ke toropokgolo ye kgolo yela, ye e renago godimo ga dikgoši tšohle tša lefase.

³¹⁵ Mpotšeng o tee. Russia ga e buše bohle. Ga re buše bohle. Go na le kgoši e tee feela ye e bušago godimo ga ye nngwe le ye nngwe. . . ka mokgwa woo tshipi ya Nebukadinetsara e kitimela ntle ka go ye nngwe le ye nngwe ya yona menwana. Yeo ke Roma. Roma ga e e dire bjalo ka setšhaba; e e dira bjalo ka kereke. Setšhaba se sengwe le se sengwe ka tlase ga legodimo ke go Roma.

³¹⁶ Ga go makatše ba rile, “Ke mang a ka dirago ntwala le yena?” A ka kgona go re, “Khutšo,” [Ngwanešu Branham o thwantšha monwana wa gagwe gatee—Mor.] seo se a e ruma. Mokatoliki yo mongwe le ye mongwe o re, “Ke, ‘Le se ke la lwa,’” gomme—gomme ga ba lwe. Seo ke ka moka. “Ke mang a kgonago go dira se a ka kgonago go se dira?” Ga go yo mongwe. Yeo ke nnete. “Kafao ba makala mehlolo a ka kgonago go e dira.” A ka kgona go emiša ntwala. [Ngwanešu Branham o thwantšha monwana wa gagwe gatee.] Selo se nnoši a swanetšego go se dira e no ba go re, “Emišang.” Seo ke phetho. Eupša le nagana o tla e dira? Ka kgonthe aowa.

³¹⁷ Hlokomelang, seo ka nnete se a laetša, “Ba swanetše go bolayana seng sa bona. Ba swanetše go bolayana seng sa bona.” Bora bja gagwe bo be bo se ne mesebe, le mathomong, eupša ya gagwe “tšhoša ye kgolo” e dirile. O dirile go bolaya ga gagwe, moragorago, gomme a fetoga go tloga go pere ye tšhweu go

ya go pere ye khubedu; wa go swana, tlwa, diabolo, ka tšhoša ya gagwe.

318 Jesu o boletše eng? Jesu o rile, “Bao ba tšeago tšhoša ba tla senyega ka yona.” Le se ke la lwa morago. Le a bona? Jesu, bošegong bjola ge A boditše, o boletše seo, gomme Petro o tšere tšhoša ya gagwe. Le a bona? Go no dira boka A dirile, go no ya pele.

319 Bjale, bjale elelwang, o na le tšhoša. O ya pele, tšhoša ka seatleng sa gagwe; a nametše, pere ye khubedu, a pshikologa go kgabola madi a yo mongwe le yo mongwe yoo a ganetšanago le yena.

320 Bjale a le a e kwešiša? [Phuthego e re, “Amene.”—Mor.] Ke ba bakae ba kwešišago se Lehuto lela le lego sona bjale? [“Amene.”] Go lokile. Bjale, Jesu o boletše eng? “Bao ba tšeago tšhoša ba tla senyega ka tšhoša.” A yeo ke nnete? Go lokile. Go lokile. Monamedi yo le dithuto tšohle tša mmušo wa gagwe tšeo di bolayago tlase go kgabola lebaka, yo a gogilego ka moka madi a a bahwelatumelo ba bakgethwa, o tla bolawa ke Tšhoša ya Jesu Kriste ge A etla. “Bao ba tšeago tšhoša ba tla bolawa ke tšhoša.” Ba tšere tšhoša ya thutotaelo le molwalekriste, le go ripa fase ba kgonthe, barapedi ba therešo, gohle go theoga go kgabola mabaka, go, gabotse, dimilione. Gomme ge Kriste a etla ka Tšhoša, ka gore ke Lentšu la Gagwe le le tšwago molomong wa Gagwe, O tla bolaya lenaba le lengwe le le lengwe le lego pele ga Gagwe. A le a e dumela? “Bolaya lenaba.”

321 A re yeng godimo fa feela motsotso, Kutollo. Re tla bona bjale ge eba ke no bolela seo, goba ge eba Lentšu le a e bolela. Kutollo 19:11.

Gomme ke bone legodimo le bulegile (amene), gomme bonang pere ye tšhwewu; gomme yo a dutšego go yena o bitšwa Mmotegi le Therešo, gomme ka toko o ahlotše le go dira ntwa.

Mahlo a gagwe a be a le . . . dikgabo tša mollo, gomme hlogong ya gagwe . . . mefapahlogo ye mentšiši; . . .

322 Oo, ngwanešu! Le a bona, O šetše rwešitšwe mphaphahlogo ke bakgethwa ba Gagwe, le a bona.

. . . gomme o bile le leina le ngwadilwe, leo go sego motho a bego a le tseba, eupša . . . yenamong.

323 Elelwang, re—re ka se kgone, ga re tsebe seo, le a bona, se e lego lona. “Gomme o be a apere . . .” A re boneng.

Gomme o be a apere kobo ye e inetšwego mading: gomme leina la gagwe o bitšwa (e sego “ke,” eupša “bitšwa”) Lentšu la Modimo.

324 Ka gore, Yena le Lentšu ba a swana. Le a bona? Bjale hlokomelang, e sego “maina a Gagwe.” Uh-huh! “Leina la

Gagwe le bitšwa ‘Lentšú la Modimo.’” Le tseba feela Leina le tee; ga go leina le lengwe.

Gomme madira a legodimo, ao a bego a le legodimong a be a mo latela godimo ga dipere tše tšhweu, a apare mašela a makaone, a mašweu le go hlweka. (Yeo ke toko ya bakgethwa. Le a bona?)

325 Bjale šetšang. Jesu o boletše eng? “Yo a tšeago tšhoša . . .” Go lokile, monamedi wa pere ye khubedu, mo moo a tlogo. “Yo a tšeago tšhoša . . .” O ka no ba o bolaile dimilione tše masometshela seswai tša bona, go theoga go kgabola mabaka a, ge e sa le go tloga nako yeo; mohlomongwe bontši. Eupša Jesu o rile, “Yo a tšeago tšhoša o tla senyega ka yona.” Šetšang.

Gomme molomong wa gagwe go tšwa tšhoša ye bogale, . . .

326 Bahebere, tema ya 4, e rile, “Lentšú la Modimo ke le bogalegale go feta tšhoša ya magalemabedi, le sega ebile go fihla mokong wa lerapo.” Gomme Lona le dira eng, Lentšú, go dira? “Ke Mofenyeki wa dikgopolo tša pelo.” Nnete.

. . . molomong wa gagwe go tšwa tšhoša ye bogale ya magalemabedi. . . tšhoša ye bogale, gore ka yona o swanetše go otlá ditšhaba: gomme o tla ba buša ka molamo wa tshipi: gomme o gatile bofohlelamorara bja kgalefo ya bogale bja Ramaatlakamoka Modimo.

Gomme o be a na le godimo ga seaparo sa gagwe le godimo ga serope sa gagwe leina le ngwadilwe, KGOŠI YA KGOŠI, LE MORENA WA MARENA.

327 Bjalo ka baekiši, kgahlanong le Lentšú la Modimo, le ka gobane ga se ba dumelelane, gomme selo se . . . Sathane o beile, a kopanya maatla a sepolitiki ao a bego a a swere, le maatla a semoya ao a bego a a swere, mmogo, le go dira kereke ye e swielelago ka go setšhaba se sengwe le se sengwe. Gomme o beile dimilione atiša ka dimilione . . . morago ga ge a tabogetše go tloga go pere ya gagwe ye tšhweu, go ya go pere ya gagwe ye khubedu, gomme o tšere tšhoša ya gagwe gomme o ile pele.

328 Eupša Modimo o rile, “Ka Selo sa go swana se a se fapošitšego, goba lekilego go, ka thuto ya maaka; lona Lentšú le le swanago le tla tsoga ka maatla, le etla pele go tšwa go dipounama tša Jesu Kriste, gomme le tla mmolaya, le se sengwe le se sengwe pele ga Gagwe.” Amene.

329 Še leo Lehuto la Bobedi. Le a Mo rata? Oo, nna! Seo ke O RIALO MORENA. Tumišo e be go Modimo! Ge dikutollo tše dingwe tšohle tše, le dipono, le se sengwe le se sengwe, di bethile feela tlwa go—go ntlha! Gomme ke ba bakae ba tsebago seo? Phagamiša seatla sa gago. Makgolo, yo mongwe le yo mongwe fa, ka diatla tša bona godimo. Yeo ke nnete. Kafao Ye e tla ba! Elelwang, go bjalo.

Oo, mogwera! Etle Mothopong wo o
 tladišwego ka Madi,
 A ntšhitšwe go tšwa tšhikeng tša Imanuele;
 Moo badiradibe ba phonkgetšego ka tlase ga
 lefula,
 Ba lahlegelwa ke dipatso tša bona tša molato
 tšohle.

330 Etle, dumela go Yena, ge o se wa ke. Le se ke la leka mahlatse a a itšego; le se ke, le se ke, ge eba go le eng kapa eng ka bophelong bja gago, mogwera.

331 Re mo. Se sengwe se lokela go direga. Ga ke tsebe gobaneng. Ga ke tsebe neng. Ke tseba se se yago go direga, eupša ga ke tsebe se ya go direga neng. Eupša e tlemega go ba, gobane O e utolla gonabjale. Ga A dire e ka ba eng ntle le ge A e dira e tsebje. Amose 3. O e dira e tsebje, pele. Gomme O tshepišitše gore dilo tše di tla tla mo matšatšing a mafelelo. Gomme lebaka la kereke ya bošupa, mafelelong a lona, ge motseta a fihlile, fao go tla ba. Le tla utollwa, Mahuto ao a go kgaolwa a tla utollwa, gomme Wona šea. Bjale, seo se Leineng la Morena. Dumela Lona, mogwera. Ee, mohlomphegi. Tšwela ka ntle ga Babilonia!

332 Ke nyaka go bolela se sengwe pele ga go tswalela. Gobane, ke ne . . . Ke no ba masometharo a senyane. E no ba thwi bjale nako.

333 Billy le nna, ge re fologa sefofane, ka India, leeto la rena la mafelelo fale. Ke be ke lebeletše le—le lephepha le ba le tlišitšego, le be le ngwadilwe ka Seisimane. Gomme le rile, “Tšhišinyego ya lefase e swanetše go be e fedile; dinonyana di tla morago.” Ka gona ya fa ka botlalo. Ba . . . Go be go le se sengwe sa go segiša se diregile.

334 India ga e na le magora a go tatagana boka re dira. Ba topa maswika, le go dira magora a bona. Gomme ba aga dintlo tša bona tše ntši go tšwa leswikeng, go no a bea godimo kua. Gomme go borutho kua, go dikologa, oo, kae kapa kae, gabotse kgauswi, ka India, ntle le ge o le godimo ka dithabeng. Le gohle go theoga go kgabola Calcutta le dilo, batho ba no robala mo mekgotheng, ba bolawa ke tlala, le go ya pele.

335 Bjale, kafao, gomme ba aga dintlo tša bona ka ditora, tša ntlo ya bona. Ba kitimiša le—le legora thwi godimo mo, go lehlakore la ntlo ya bona. Aga tora ya ntlo ya bona, gomme tora e ka no ba moo ba hweditšego sediba sa bona. Ba se epile bakeng sa dikgomo tša bona le dilo, morago ba kitimiša magora a bona go dikologa.

336 Gomme, gateetee, se sengwe se thomile go direga. Dinonyana tše nnyane, le a tseba, di ya ka go maswika ale, gomme di aga dihloga tša tšona le go godiša bana ba tšona. Gomme se sengwe se thoma go direga.

337 Letšatši le lengwe le le lengwe, ge go be go fiša, dikgomo tšohle di tla tla go dikologa le go ema ka tlase ga morithi wa maboto ale; go fola.

338 Gomme dinonyana tšohle tše nnyane di phela ka mafelong ao. Gomme, ka pelapela, tšona dinonyana tšohle tše nnyane, bakeng sa lebaka tsoko la go se tsebje. . . Bjale, le tseba se re se boletšego letšatši le lengwe ka dinonyana tše nnyane. Le a bona? Lebaka le lengwe la go se tsebje, tšohle di tlogile. Gomme di ile ntle, gomme ga se tša bowa morago go dihloga tša tšona. Di ile ntle tšhemong, gomme di dutše ka mehlareng, le e ka ba kae di kgonnego go hwetša, goba thwi mo mobung.

339 Dikgomo ga se di tle tikologong. Dinku ga se di tle tikologong. Di dutše thwi ka tšhemong, gomme di gokarelane seng sa tšona. Yeo ke tsela ye botse go dira. Di tsebile gore se sengwe se be se eya go direga.

340 Ka gona, ka pelapela, tšhišinyego ya lefase ya direga, le go šišinyetša maboto fase, magora fase, le se sengwe le se sengwe gape.

341 Ka gona dinonyana tše nnyane tša thoma go tla morago. Ga se tša ke tša tla morago lebaka la matšatši a mararo goba a mane; morago tša thoma go tla morago. Ba rile, “Gabotse, ditšhišinyego tša lefase di swanetše go be di fedile bjale; dinonyana di tla morago.”

342 Gobaneng? A ga le dumele gore Modimo wa go swana yoo a kgonnego go dira tšona dinonyana le dikgomo le dinku, ka matšatšing a Noage, go ya ka arekeng, O sa le Modimo wa go swana yo a ka kgonago go di dira di fofe go ya polokegong? A ke nnete?

343 Bjale a nke ke bolele se sengwe, ngwanešu. Go na le se sengwe se lokelago go direga. Gomme ohle a magolo a, maboto a kgale a kereke a ya go šihlama, le go ya thwi morago godimo mošola, le go dumelelana. Ka gore, ba ya go e dira, ka nnete bjalo ka ge ke eme mo. Go na le “seswantšho sa sebata sela,” feela ka nnete bjalo ka ge ke eme mo; gomme setšhaba se se se tšere, go ya ka Lentšu la Morena. Theetšang, ge le ekwa a mannyane ale, a go se tlwaelege maikutlo, tlogang go wona maboto. Tlogang! Le tla hwa ka kua. Le se e dire! Tšwelang ka ntle ga yona! Tlogang go dilo tše tšohle! Tšhabelang polokegong, ka pela ka fao le ka kgonago. Kgotelang Modimo mogau.

344 Le se ke la no tšea, bangwe, “Gabotse, mme wa ka e be e le Momethodist, kafao ke a nagana ke tla ba. Papa wa ka e be e le Mobaptist; ke tla ba.” Le se ke la dira seo. Le se ke—le se ke la leka mahlatse e ka ba afe.

345 Ga ke kgathale ka fao Le bonalago bonolo le go kokobela; Ke Lentšu la Morena. Wena tšhabela go Jesu Kriste feela ka pela ka fao o ka kgonago, gomme dula fao go fihla Modimo a go tlatša ka Moya wo Mokgethwa wa Gagwe. Ka gore iri e ya go tla ge o

eya go O tsoma, gomme O ka se be gona. Ka fao, eba le nnete go e dira.

A re inamišeng dihlogo tša rena, feela nakwana.

³⁴⁶ Tate wa Legodimong, oo, ke—ke no, dinako tše dingwe, Morena, ema fa gomme—gomme ke a roromela. Ke nagana ka iri yela ya go befa ye e batamelago, gomme ke . . . Ga go tsela ya go e emiša. E akanyeditšwepele gore e tla tla. Gomme ke naganne ka, “Gobaneng batho ba sa tle gomme—gomme—gomme ba theetša? Gomme a ba ka se tle le go O amogela?” Eupša, nnete, ke a tseba gore—gore O—O rile ba ka se ke, kafao ba ka se ke.

³⁴⁷ Eupša go na le ba bangwe bao ba nago le maina a bona a ngwadilwe go Puku ya Kwana ya Bophelo. Gomme ge wona Mahuto a lahlelwa go bulega fao, ba bona leina la bona fao, gomme Moya wo Mokgethwa o bolela le bona. Ba a tla. O ka se kgone go ba thibela; ga a gona a ka kgonago, ga a gona. Ba a tla, go le bjalo, ka gobane O ba hlahla boka O dirile dinonyana tšela tše nnyane, le dinku le dikgomo. Wena o Modimo! Sekwitshebotšo tsoko se tšona diphoofolo di nago le sona, gore di tsebagore gore di swanetše go tloga! Gomme ge eba sekwitshebotšo, go phoofolo, se kgona go e sebotša go široga kotsi, ke eng se Moya wo Mokgethwa o swanetšego go se dira go Kereke ye e tleimago go tlatšwa ka Ona!

³⁴⁸ Modimo, re gaogele. Re swarele bohle, Morena, go mafokodi a rena. Ga re re go ema fa ka go phuluphithi ye le go dumelela batho ba go ema go dikologa maboto, gomme maoto a bona a hlohloni, gomme ka gona e no ya kgole gomme o re, “Gabotse, seo se kwagala gabotse kudu.” Morena, re nyaka go dira se sengwe ka yona. Re, re nyaka Wena go puruputša dipelo tša rena. Ge go na le e ka ba eng ya phošo, Morena, a re tsebe bjale. Hle o se ke wa re dumelela go tla go iri yeo, ka kua, ge go le thari kudu. Mpuruputše. Nteke, Morena.

³⁴⁹ Mo, ke eme mo ka mogau wa Modimo, ke bona Mahuto ao a kgaogile ka kua, gomme ke a tla, ke botša batho. Ge, O akanyeditšwepele gore e tla direga ka tsela ye, dibeke tša go feta. Gomme bjale, Tate, Yona še, thwi pele ga rena.

³⁵⁰ Bjale, Morena, nteke. Mpuruputše. Mpuruputše, ka pelong ya ka. Morena, ga re . . . Re, re nyaka O lebelele ka maphelong a rena. Gomme ge go na le e ka ba eng ka fale, seo se sa lokago, nno se bolela le rena, Morena. Re nyaka go se lokiša, gonabjale; gonabjale, ge go sa na le Mothopo o tletše ka Madi, ge go sa na le le—le setlošadipatso seo se ka hlatswago dibe tša rena le gosedumele. Re nyaka go phonkgetša disoulo tša rena ka tlase ga seo; gosedumele ga rena gohle. Modimo, thuša gosedumele ga rena; go tloše kgole le rena, Morena.

³⁵¹ Re nyaka go amogela mogau wa tthatlogo. Re nyaka go kgona, ge Medumo yela ya sephiri ntle mošola, gomme Kereke e tšeetšwe godimo, re nyaka go lokela go O amogela. Morena, e fe.

352 Re leke, Morena, ka Lentšu la Gago. A re lebeleleng ka go Lona.

353 Gomme ge re bona gore re šitilwe, ge go na le bale fa, Morena, ba ba kolobeditšwego ka dithaetlele, ba sa tsebe go selo ka ga ya kgonthe, kolobetšo ya therešo, a nke ke botege bjalo ka Paulo, ge a fetile go kgabola lebopo la godimodimo la Efeso, gomme o hweditše barutiwa ba goeletša, le go goeletša, le go ba le nako ya letago, o rile go bona, “A le amogetše, gona, Moya wo Mokgethwa ge e sa le le dumetše?”

Ga ba tsebe ge eba go na le wo o itšego.

O rile, “Gona le kolobeditšwe go efe?”

Gomme ba be ba kolobeditšwe ke yola wa letago, moprofeta yo mokgethwa, eupša ba kolobeditšwe feela go tshokologo.

354 Ka gona ba ile ba kolobetšwagape, Leineng la Jesu Kriste. Gomme Paulo o ba laetše go kolobetšwa, gape.

355 Morena, ka Seetšeng sa Lentšu la Gago: Ke laela motho yo mongwe le yo mongwe, yo a sego a kolobetšwa Leineng la Morena Jesu Kriste, go hlaganela go ya meetseng, ka pela, ge le sa na le sebaka. Lena ba le sego la tlatšwa ka Moya wo Mokgethwa, Ke a go laela, Leineng la Morena Jesu Kriste, ewa ka matolo a gago, gomme o se ye emelele go fihla Moya wo Mokgethwa o go hlwekišitše ka go tsenelela le go go tlatša ka lerato le botho bja Gagwe, go fihla soulo ya gago e kgotsofetše kudu ka Bogoneng bja Modimo gore tlhologelo yohle ya gago ke go Mo direla, le go sepelela Yena, le go šoma le Yena, bophelo bja gago ka moka.

356 E fe. Ke a rapela gore Modimo o tla le fa taelo ye, Leineng la Jesu Kriste.

Ke a Mo rata, ke a Mo rata
Gobane O nthatile pele

A ka kgonthe le a Mo rata? Bjale beang diatla tša lena godimo.

Gomme a lefela phološo ya ka
Godimo ga mohlare wa Khalibari.

357 Ge go na le yo a dutšego, yo a ikwelago tlhoko ya bona bošegong bjo, a ikwelago gore ba hloka go kolobetšwa, goba o hloka kolobetšo ya Moya wo Mokgethwa. Le tseba tlhoko ya lena; e utolotšwe go lena, gomme le nyaka go gopolwa ka thapelong. Ga go le o tee wa rena a ka kgonago go O fa go wena. Oo, re ka kgona go go kolobetša. Eupša, selo se nnoši, re ka se kgone go go fa Moya wo Mokgethwa. Modimo o dira seo, a nnoši. Eupša o ikwetše tlhoko ya gago, gore Modimo o bolela le pelo ya gago, gore o a O hloka, gomme o nyaka re go gopole thapelong. A o ka emelela, gore re kgone go go tseba, go tseba gore o mang? Modimo a go šegofatše. Tlhoko? Morena a go šegofatše.

³⁵⁸ Ke a thanka go na le lekgolo le masometlhano, mohlomongwe, ba eme mo. Mohlomongwe go bjalo ka seo, ge nka kgona go bona bohle. Ga ke tsebe se se lego ka dikamoreng, le go dikologa ka ntle, ba swere diatla tša bona godimo, le go ya pele. Eupša o na le tlhoko.

Bjale a re rapeleng.

³⁵⁹ Bjale, lena ba le bonago batho bale bao ba emego hlang le lena. Gomme ba eme bjalo ka hlatse, pele ga Kriste, “Ke—ke—ke a Go hloka, Morena. Ke a Go hloka. Ke—ke a tshepa ke—ke yo mongwe wa bao ba yago go hwetša leina la ka bošegong bjo ka morago ga Lehuto lela mošola, leo le beilwego Fale go tloga motheong wa lefase. Se sengwe se rathile pelo ya ka, gomme ke eme, Morena. A ke nna? A O a mpitša? Ke nyaka O utolle, go nna, leina la ka godimo Kua. Ntlatše, gomme o ntswalelele ka go Wenamong, ka Moya wo Mokgethwa.” Lena bao le šetšego le tswaleletšwe ka gare, ke nyaka le phagamele godimo. Retologelang go dikologa go bona, gomme bea diatla tša lena godimo ga bona, go ba rapelela. Bjale hlokofalang ruri.

³⁶⁰ Tate wa Legodimong, Leineng la Morena Jesu, a nke Moya wo Mokgethwa wo mogolo o sepele godimo ga batheeletši ba, bjalo ka phefo ye e tšutlago, le go bitša go pelo ye nngwe le ye nngwe mo, Morena. Gomme romela tlase kolobetšo ya Moya wo Mokgethwa, godimo ga batho ba.

Gomme go ne meetse a letile.

³⁶¹ “Ge Petro a sa bolela mantšu a, Moya wo Mokgethwa wa wela godimo ga bona ba ba kwelego Lentšu, gomme bohle ba ile ba tlatšwa ka Moya wo Mokgethwa.”



LEHUTO LA BOBEDI NST63-0319

(The Second Seal)

SERISI KA KUTOLLO YA MAHUTO A ŠUPA

Molaetša wo ka Ngwanešu William Marrion Branham, setlogong o abilwe ka Seisimane ka Labobedi mantšiboa, Matšhe 19, 1963, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org